




王陽明全集

別錄七八

別

特別
~20
3059
9





特
門 八 20
號 2059
卷 9



聖刻陽明先生別錄卷之七

疏七

征剿稔惡擒賊疏

七年四月十五日

據留撫田州思恩等處地方廣西布政司右布政林富原任副總兵都指揮同知張祐等會呈前事開稱田州思恩平復居民悉已各安生理土夷亦皆各事農耕地方實已萬幸但惟八寨匪賊積年千百成徒流劫州縣鄉村殺害良民虜掠子女生口財物歲無虛月月無虛旬民遭荼毒冤苦屢經奏告乞要分兵剿滅者已不知幾百十番為因地方多事若要進兵

卷之七

全通

未免重爲民困是以官府隱忍撫諭冀其悔罪改過而彼乃悍然不顧愈加克橫出劫益頻蓋緣此賊有衆數萬盤據山谷憑恃險阻南通交趾等夷西接雲貴諸蠻東北與斷藤牛腸仙臺花相風門佛子及柳慶府江古田諸處徭賊回旋連絡延袤周遭二千餘里東掠西竄南標北突近因思田擾攘各賊乘機出攻州縣鄉村遠近相煽幾爲地方大變仰賴 朝廷威令傳播苟幸未動緣此徭賊之與吾民勢不兩立若徭賊不除則居民安無安生之理乞要乘此軍威速加征剿庶不貽患地方緣由呈乞照詳施行等因

行間隨據左江道守巡守備等官左叅議汪東僉事吳天挺叅將張經等會呈爲請兵征剿積年窮亮極惡徭賊以除民患事開稱斷藤峽牛腸六寺磨石等處徭賊上連八寨諸蠻下通白竹古陶羅鳳仙臺花相風門佛子等峒各賊累年攻劫群縣鄉村殺人放火擄掠子女財畜民遭荼毒迺竄死亡拋棄田業居民日少村落日空延袤千百里內皆已變爲盜賊之區各處被害軍民累奏請兵誅剿爲因地方多事兵力不敷官府隱忍招撫期暫少息而各賊愈肆猖獗近因思田用兵遂與八寨及白竹古陶羅鳳

形影之類 卷之七
等賊乘勢朋比連結殺虜搶劫月無虛旬扇惑推動
將成大變仰賴 神武傳播幸未舉發近幸思田之
諸夷感慕 聖化悉已自縛歸降遠近向服各山猺
獞亦皆出來投撫請給告示願求自新從此不敢爲
惡雖其誠僞未可逆料然皆尚有畏懼之心獨此斷
藤各巢逆賊自知罪在不赦恃險如故截路劫村畧
無忌憚若不乘此軍威進兵剿滅將來禍患焉有紀
極緣由會案呈詳到臣照得臣近因思田之役奉
命前來駐軍南寧府地方與入寨猺賊相去六日之
程 朝廷德威宣布雖外國遠夷皆知震懾向慕輸

情納款而此猺賊獨敢擁衆千百四出劫掠武緣等
處鄉村殺人放火畧無忌憚此臣所親知即此熒熒
桀驁平時抑又可知及照牛腸六寺磨刀古竹古陶
羅鳳仙臺花相風門佛子等巢稔惡各賊自弘治正
德以來至於今日二三十年之間節該桂平等縣被
害人戶李子太等前後控奏乞行剿除民害不下數
十餘次皆有部咨行令勘議計剿若不及今討伐其
爲地方之患終無底極誠有如各官所呈者况臣駐
劄南寧小民紛然訴告請兵急救荼毒皆謂朝不謀
夕各賊之惡委已數窮貫滿神怒人怨難復逋誅即

陽明集卷之七
欲會案奏請俟 命下之日行事切恐聲迹昭彰反
致衝突奔竄則雖調十數萬之衆以一二年爲期亦
未易平蕩了事照得臣節該欽奉 勅諭但遇賊寇
生發即便相機可撫則撫可捕則捕欽此欽遵爲照
思田變亂之時該前都御史等官姚鏞等奏調湖廣
永保二司土兵前來南寧等處聽用近幸地方悉已
平靖各兵正在班師放回之際歸途所經正與各賊
巢穴相去不遠况思田二府新附土目盧蘇王受等
感激 朝廷生全之恩屢乞殺賊報効俱合遵奉
勅諭事理除一面量調官軍協同前項各兵行委左

江道守巡叅將等官監同永保二司宣慰官男領各
頭目土兵人等分道進勦牛腸六寺仙臺花相等賊
并行留撫思田布政及右江分巡兵備守備等官監
統思田土目兵夫分道進勦入寨等賊所獲功次俱
仰該道分巡兵備官收解紀功御史紀驗造冊奏報
及行總鎮太監張賜密切公同行事并密行鎮巡等
官知會外緣係征勦積年稔惡搃賊以除民患以安
地方事理爲此具本題 知

舉能撫治疏

七年正月
二十五日

案照先該禮部右侍郎方獻夫奏前事節奉 聖旨

田州應否設都御史在彼住劄還着王守仁議處具
奏定奪欽此兵部備咨前來知會隨欽遵外隨於今
年正月二十七日該思恩田州二府土目盧蘇王受
等各率衆數萬自縛歸降該臣遵照 勅諭事理悉
已撫定當遣廣東右布政林富舊任副總兵張祐分
投督領各夷各歸原土復業安生已經具本奏報外
爲照思恩田州連年兵火殺戮之餘官府民居悉已
燒燬破蕩雖節羣尋丈之廬亦遭翻空發掘曾無完
土荒村僻鳩不遺片瓦尺椽傷心慘目誠不忍見各
夷近已誠心投服毀棄兵戈賣刀買牛見已各事田

作自後反側之患以臣料之或已可免但其風景
戚生意蕭條憂惶困苦之餘無以自存非得老成寬
厚之人撫恤綏柔之臣等見其悲慘無聊之狀誠亦
未忍一旦棄去而不顧况思田去梧州軍門水路一
月之程一時照料有所不及近又與各官議欲於田
州建立流官府治以制御土官修復城池廨宇等項
必須勞民動衆自非素得夷情者爲之經理區畫各
夷彫弊之餘豈復堪此騷屑况議設知府等官皆未
曾到一應事務莫有任其責者該臣看得右布政林
富慈祥愷悌識達行堅素立信義見在思田地方安

插各夷皆能得其歡心合無准如方獻夫所奏將林富量陞憲職仍聽臣等節制暫為思田地方往來住劄撫循緝理其於事理亦甚相應俟一二年後各夷生理漸復府治城郭解宇漸已完備則將林富量撥別處任用而思田止存知府理治或設兵備官一員於賓州住劄或就以南寧兵備兼理不時往來撫循如此則目前既可以得撫定綏柔之益而日後又可以免困頓勞煩之擾已經具本於本年二月十五日差舍人湯祥賚奏請 旨續為處置平復地方以圖久安長治事節該臣看得思恩田州二府地方府治

雖立而規制未成流官雖設而職守未定且瘡痍復入心憂惶乞將右布政林富量陞憲職及存留舊任副總兵張祐使之更迭往來於二府地方綏緝經理仍乞賜以便宜 勅書將南寧賓州等府衛州縣及東蘭南丹泗城那地都康向武等土官衙門俱聽林富等節制臣等所議地方經久事宜候奏請 命下之日悉以委之林富等使之欽遵以次施行庶幾事無隳惰而功可責成又經條陳具本於本年四月初六日差承差楊宗齋奏請 旨俱未奉明示本年五月二十二日日本官已蒙 欽陞都察院右副都御

史撫治湖廣鄖陽等處地方去訖所有思田二府無
循緝理官員尚未奉有 成命如蒙 皇上軫念邊
方俯從臣等所請乞於兩廣及隣省附近地方各官
內選用庶可令其作速到任不致久曠職業臣本昧
於知人不敢泛然僭舉切照廣東右布政使王大用
湖廣按察使周期雍皆才識過人可以任重致遠臣
往年巡撫南贛二臣皆在屬司爲兵備僉事與之周
旋兵革之間知其皆肯實心幹事江西未叛一年之
前臣嘗與周期雍密論宸濠之惡不可不爲之備期
雍歸至江漳卽爲養兵蓄銳以待及臣遇變豐城

檄各省獨期雍與布政席書聞變卽發營是時四
援兵皆莫敢動迄宸濠就擒竟無一人至者獨席書
行至中途復受臣檄歸調海滄打手又行至中途聞
事平而止其先後引兵至江西省城者惟周期雍王
大用兩人而已當時以捷奏旣上隨復讒言朋興各
臣之忠勤遂不及一白臣爲之每懷歎然卽是而觀
其能竭忠赴義不肯上負 國家亦可知矣乞 勅
吏部酌臣所議於二臣之內選用其一非惟地方付
託得人未有所賴而臣等亦可以免於身後之戮地
方幸甚

邊方缺官薦才贊理疏

七年七月初六日

邇者恩恩田州之變諸夷感慕 聖化悔罪求生已蒙浩生之仁宥納而無全之地方亦既寧定矣但凋弊之餘必須得人以時緩緝况兩府設立流官衙門及修築城池營壘等項百務並舉若無專官夙夜經理催督則事無統紀功難責成已經臣等具題乞將右布政林富等陞職留撫隨蒙將林富陞任去訖又經臣等仍乞推選相應官員替任俱未奉 明旨臣看得今歲例當朝 觀各該掌印官員不久皆將赴京而廣西布按二司等官適多遷轉去任者右布政

林富陞郎陽副都御史叅政黃芳陞江西布政副李如圭陞陝西按察使叅政龍誥叅議汪必東僉事吳天挺等督押湖兵出境往復之間即須半年叅議鄒輓僉事申惠皆資捧表箋進京其餘雖有一二新除官員皆未到任止存左布政嚴紘按察使錢宏各掌司印僉事張邦信分巡桂林李傑分巡蒼梧而臣在南寧思田等處與疾往來調度再無一官隨從贊理者近日止有兵備副使翁素來管右江道事緣其才性乃慈祥愷悌之人用之中土分理司事足爲循良而置之邊方瘴癘多事之鄉則其稟質稍弱不耐

崎險易生疾病似於風土亦非所宜臣看得爲民副使陳槐平生奮志忠節才既有爲而又能不避艱險致仕知府朱衮年力壯健才識通敏去任副使施儒學明氣克忠信果斷閑任副使楊必進曉練軍務識達事機此四人者皆堪右江兵備之任施儒舊爲兵備於潮惠楊必進舊爲兵備於府江皆嘗著有成績兩地夷民至今思念不忘若於四人之中選用其一其於地方之事必有所濟及照田州新附之地知府陳能尚未到任該臣看得化州知州林寬舊在江西知其才能足充任使已經具奏行委見在該府管事

但其稟質乃亦不禁炎瘴於風土非宜蒞事以來終日卧病呻吟床席軀命且不能保又何能經理地方之事乎臣又訪得潮州府推官李喬木者才力足以有爲而又熟知土俗夷情服於水土但係梧州籍貫稍有鄉里之嫌臣看得廣西軍衛有司衙門所屬官員及各學教職亦皆多用本省士人今田州雖設流官知府而其所屬乃皆土夷自無鄉里之嫌可避亦與各教職無異者乞勅吏部改用林寬於別地俯採臣議將李喬木改陞田州同知庶可使之久於其任以責成功則地方之幸臣之幸也臣惟任賢圖治

陳明倫奏
卷之七
九
得人實難其在邊夷絕域反覆多事之地則其難尤甚何者反覆邊夷之地非得忠實勇果通達坦易之才固未易以定其亂有其才矣使不諳其土俗而悉其情性或過剛使氣率意徑行則亦未易以得其心得其心矣使不耐其水土而多生疾病亦不能以久居於其地以收積累之効而成可底之績故用人於邊方必兼是三者而後可即如右江一兵備此臣之所最切心者臣竊爲吏部私計其人終夜不寢而思之竟未見有快心如意者蓋兼是三者而求之也如前所舉四人者固皆可用之才今乃皆爲時例所拘

棄置不用而更勞心遠索則亦過矣臣近於南寧田諸處因無可用之才調取其發身科第以遷謫而至者三四人其志向才識果自不群足可任用但到未旬日而輒以患病告歸皆相繼狼狽扶携而去矣不得已就其見在者而使之則皆庸劣陋下素不可齒於士類者然無可柰何則畧其全體之惡而用其一肢之能旣其終事所就不能以尺寸而破壞則尋夫矣用是觀之亦何怪乎斯土之民愈困亂愈積而禍日以深也哉是固相沿積習之弊不及今一洗而改革之邊患未見其能有瘳也夫今之以朝覲考察

而去者固多貪暴不才之人矣其間乃有雖無過人之才而亦無顯著之惡尚在可用不可用之間者皆未暇論至其平生磊落自負卓然思有所建立而其學識才能果足以有為者乃為一時愛憎毀譽之所亂亦遂恣然就抑而去斯固天下之所共為不平公論弭彰者孰得而終掩之 陛下何不使在位大臣一時各舉十餘人之可用者 陛下合而考之若一人舉之而九人不舉未可也三人舉之而七人不舉已在所察矣五人舉之而五人不舉其察又宜詳矣或七人八人舉之而一二人不舉則其人之可用亦

斷在不疑者矣若此者亦在朝覲二次三次之後或七年或十年而後一舉夫身退十年之後則是非已明公論已定雖有黨比自不能容今邊方絕域無可用之人至取其庸劣陋下者而使之以滋益地方之苦弊其豪傑可用之才乃為特例所拘棄置而不用夫所謂特例者固 朝廷為之也可拘而拘不可拘而不拘無不可者 陛下何忍一方之禍患日深月積乃惜破例而用一人以救之乎夫考察而去者果皆貪惡庸陋之徒則固營營苟苟無時而不僥倖以求進若磊落自負有過人之見者則雖屈抑而退自

放於山水田野之間亦足以自樂今若用之於邊夷
 困弊之地殆亦未必其所欲但為 朝廷愛惜人才
 則當此 宵旰側席遑遑求賢之日而使有用之才
 廢棄終身乃不得已至取其庸劣陋下者而用之以
 益民區豈不大可惜乎臣因地方缺人心切其事不
 覺其言之煩瀆伏望 陛下恕其愚妄下臣議於吏
 部採擇而去取之臣不勝瀆冒恐懼之至

八寨斷藤峽捷音疏

七年七月初十日

據湖廣按察司分巡上湖南道監軍僉事汪濬廣西
 按察司分巡左江道監軍僉事吳天挺分巡右江道

監軍副使翁素等會呈節據廣西領哨潯州衛指揮
 馬文瑞王勳唐宏下砦張縉千戶劉宗本永順統
 宣慰彭明輔官男彭宗舜保靖統兵宣慰彭九霄及
 辰州等衛部押指揮彭飛張恩等各呈前事職等遵
 奉統領各該軍兵依期於本年四月初二日密到龍
 村埠登岸當蒙統督叅將張經都指揮謝珮督同宣
 慰彭明輔分布官男彭宗舜頭目彭明弼彭杰領土
 兵一千六百名隨同領哨指揮馬文瑞頭目向永壽
 嚴謹領土兵一千二百名隨同領哨指揮王勳又督
 同宣慰彭九霄等分布官男彭蓋臣下報効頭目彭

志明領土兵六百名隨同領哨指揮唐宏頭日彭九
臯領土兵六百名隨同領哨指揮卞琚頭日彭輔領
土兵六百名隨同領哨指揮張縉頭日賈英領土兵
六百名隨同領哨千戶劉宗本并各哨官員領潯州
等衛所及武靖州漢土官兵鄉導人等共一千餘名
永順進勦牛腸保靖進勦六寺等賊巢刻定初三日
寅時一齊抵巢各賊先防湖兵經過各將家屬生畜
驅入巢後大山潛伏賊首胡緣二等各率徒黨團練
防拒然訪知本院住扎南寧寂無征勦消息又不見
調兵集糧而湖兵之歸又皆偃旗息鼓畧無警備遂

皆怠弛不以爲意至是突遇官兵四面攻圍各賊倉
惶失措然猶恃其驍悍蜂擁來敵當有彭明輔彭九
霄彭宗舜并頭目田大有彭輔等督率日兵奮不顧
身衝冒矢石敵殺數合賊鋒摧敗當陣生擒斬獲首
賊并次從賊徒賊級六十九名顆俘獲男婦及奪回
被虜人口牛隻器械等項數多餘賊退敗復據仙女
大山憑險結寨各兵追圍攀木緣崖設策仰攻至初
四日復破賊寨當陣生擒斬獲首賊并次從賊徒賊
級六十二名顆初五日復攻破油磑石壁大陂等巢
生擒斬獲首賊及次從賊徒賊級七十九名顆俘獲

男婦牛隻器械等項數多等賊奔至斷藤峽橫石江邊因追兵緊急爭渡覆溺死者約有六百餘徒官兵復從後奮勇追殺當陣生擒獲斬首賊及次從賊徒賊級六十五名顆俘獲男婦牛畜器械等項數多各賊間有一二漏網亦皆奔竄他境官兵追殺至於本月初十日遍搜山峒無遺稟蒙收兵回至潯州府住劄間隨蒙本院密切牌諭復令職等移兵進勦仙臺等賊就於本月十一日寅夜仍前分布各哨官兵遵照牌內方畧永順於盤石大黃江登岸進勦仙臺花相等處保靖於烏江口丹竹埕登岸進勦白竹古陶

羅鳳等處刻定於十三日寅時一齊抵巢各賊聞知牛腸等巢破滅方懷疑懼謀欲據險自固賊首黃公豹廖公田等各率徒黨沿途設伏埋簽合勢出拒官兵驟進翕如風雨各賊雖已奪氣然猶舍死衝敵比之牛腸等賊兇惡尤甚各該官兵奮勇夾擊爭先陷陣生擒斬獲首賊及次從賊徒賊級四百九十名顆俘獲賊屬男婦牛畜器械等項數多各賊奔入永安邊界地名立山恃險結寨當蒙調指揮王良輔并目兵彭愷等於本月二十四日亦各分路並進奮勇爭先四面仰攻賊乃敗散當陣生擒斬獲首賊及次

從賊徒賊級一百七十二名顆俘獲男婦牛畜器械
數多餘賊遠竄追殺無遺又據把截邀擊叅將沈希
儀解報擒斬首從賊徒賊級八十六名顆把截頭目
鄧宗七撫徃老人陳嘉猷旗軍洪狗驢等及貴縣典
史蘇桂芳把隘指揮孫龍官舍覃鋁潯州府捕盜通
判徐俊平南知縣劉喬等亦各呈解擒斬首從賊徒
賊級八十一名顆俘獲男婦器械等項數多又該督
兵右布政林畜舊任副總兵張祐等遵奉本院方畧
分督田州府報効頭目盧蘇等目兵及官軍人等三
千名思恩府報効頭目王受等目兵及官軍人等二

千名常貴等目兵及官軍鄉款人等一千一百名照
依分定哨道進勦八寨稔惡徃賊刻期於本年四月
二十三日卯時一齊抵巢先於二十二日晚於新墟
地方集各土目人等申布本院密授方畧乘夜啣枚
速進所巡村寨寂然不知有兵黎明各抵賊寨遂突
破石門天險我兵盡入賊方驚覺皆以為兵從天降
震駭潰竄莫知所為我兵乘勝追斬各賊且奔且戰
薄午四遠各寨驍賊聚眾二千餘徒各執長鏢毒弩
并勢呼擁來拒極其猛悍我兵鼓噪奮擊而前聲震
巖谷無不一當十賊旣失險奪氣而我兵愈戰益憤

陽明集別錄 卷之七 十五
賊不能支遂大奔潰當陣生擒斬獲首賊及次從賊
徒賊級二百九十一名顆俘獲男婦畜產器械數多
賊皆分陣聚黨奔入極高大山據險立寨我兵亦分
道追躡圍勒然巖壁峻絕我兵自下仰攻戰勢不便
賊從巔厓發石滾木多為所傷於是多方設策夜發
精銳掩其不備二十四日我兵復攻破右蓬等寨生
擒斬獲首賊及次從賊徒賊級共一百三名顆俘獲
數多二十八日復攻破周安等寨生擒斬獲首賊及
次從賊徒賊級共一百四十六名顆俘獲數多五月
初一日復攻破古鉢等寨生擒斬獲首從賊徒賊級

一百二十七名顆俘獲數多初十日復攻破都者
等寨斬獲首從賊徒賊級一百四名顆俘獲數多本
月十二等日復據叅將沈希儀解到督領指揮孫繼
武等官軍及遷江土目兵夫人等於高徑洛春大潘
等處追剿邀擊各寨奔賊斬獲首從賊徒賊級九十
八名顆都指揮高崧解到督領指揮程萬全等官軍
及土目兵夫人等於思盧北山等處搜剿截捕各寨
奔賊斬獲首從賊徒賊級九十一名顆又據同知桂
蓋監督思恩土目韋貴徐五等目兵分勦銅盆等寨
斬獲首從賊徒賊級一百九十二名顆俘獲數多又

據通判陳志敬督領武緣應虛等處鄉兵搜勦大鳴
 等山奔賊斬獲首從賊徒賊級八十六名顆又於本
 月十七等日盧蘇王受等復攻破黃田等寨斬首從
 賊徒賊級三百六十二名顆俘獲數多六月初七等
 日復攻破鐵坑等寨斬獲首從賊徒賊級二百五十
 三名顆俘獲數多又據指揮康壽松千蠻王俊等督
 領官兵於緣茅等處把隘搜截斬獲首從賊徒賊級
 四十八名顆各賊始雖敗潰然猶或散或合至是見
 其渠魁驍悍悉就擒斬遂各深逃遠竄其稍有強力
 者尚一千餘徒將奔往柳慶諸處賊巢我兵四路夾

追及之於橫水江各賊皆已入舟離岸兵不能及然
 賊眾船小皆層疊而載舟不可運復因爭渡自相格
 鬪適遇颶風大作各船盡覆浮泊登岸得不死者僅
 二十餘徒而已我兵既無舟渡又風雨益甚遂各歸
 營既晴我兵仍分路入山搜勦各賊茫無踪跡又復
 深入兇厓谷之間顛墮而死者不可勝計臭惡薰蒸
 不可復前遠近巖峒之中林木之下堆疊死者男婦
 老少大約且四千有餘蓋各賊皆倉卒奔逃不曾資
 有禾米大雨之中饑餓經旬而既晴之後烈日焚炙
 瘴毒蒸熾又且半月有餘故皆糜爛而死入寨之賊

略已蕩盡雖有脫漏亦不能滿數十餘徒矣本院議於八寨之中據其要害移設衛所以控制諸蠻復於三里設縣以迭相引帶親臨相視思恩府基景定衛縣規則其時暑毒日甚山溪水漲皆惡流臭穢飲者皆成疫痢本院因見各賊既已掃蕩而我兵又多疾疫死亡乃遂班師而出照得各職於本年三月二十三等日先奉本院鈞牌據左江道守巡守備等官呈稱斷藤峽等處徭賊上連八寨下通仙臺花相等峒累年攻劫群縣鄉村被害軍民累奏請兵誅勦乞要乘此兵威勦滅等因行仰各職監統各該官兵進勦各

賊諭令未至信地三日之前停軍中途候約叅將經與同守巡各官集議先將進兵道路之險夷遠近各巢賊徒之多寡強弱及所過良民村分之經由往復面同各鄉導人等逐一備細講究明白務要彼此習熟若出一人然後刻定日時偃旗息鼓寂若無人密至信地乘夜速發務使迅雷不及掩耳將各稔惡賊魁盡數擒勦以除民害以靖地方除臨陣斬獲外其餘脅從老弱一切皆可宥免今茲之舉惟以定亂安民為事不以多獲首級為功各官務要仰體朝廷憂憫困窮之心俯念地方久罹荼毒之苦仍要禁

陽明集別錄 卷之七
約軍兵人等所過良民村分毋得侵擾一草一木有
犯令者當依軍法斬首示衆各官既有地方責任兼
復素懷忠義當茲委任務竭心力以祛患安民事完
之日通將獲過功次開報紀功御史紀驗以憑奏報
奉此各職會同叅議汪必東僉事汪溱吳天挺叅將
張經都指揮謝珮遵照軍門成美分布各哨官兵申
明紀律嚴督依期進勦前項各賊巢穴獲功解報間
隨准叅將張經手本密奉本院鈞牌仰候牛腸事畢
即將移兵進勦右陶諸賊就使各賊先已聞風迯避
亦須整兵深入掃其巢穴以宜聲罪致討之威若其

遂能悔罪効順亦宜姑與招安如其仍前憑險繼
兩征不已至於三三征不已至於四務在殄滅以絕
禍根各官就彼分定哨道求順進勦仙臺諸處保靖
進勦白竹諸處各分鄉導人等引路進兵務在計慮
周悉相機而行各無偏執已見致有誤事彼中事勢
叅將張經久於其地必能知悉仍要本官勇當力任
斷決而行不得含糊兩可終難辭責又經遵照方畧
依期進勦獲功解報間又於四月初五等日各職先
奉本院密切鈞牌據右布政林富副總兵張祐等呈
稱八寨徃賊毒害萬民千百里內塗炭已極乞要乘

此軍威急除一方大患等因本院看得八寨之賊既極驍猛而石門天險自來兵不能入此可以計取未易以兵力圖者邇者思田既附湖兵尚留彼賊心懷疑懼必已設有備禦今各州狼兵悉已罷散而思田新附之民方各歸事農耕湖兵又已撤回彼必以我為無復有意於彼是以近日稍稍復出剽掠是殆以此探望官府舉動今我若罔聞知且聽其出沒彼亦放縱懈弛謂我不復能為此正天亡之時機不可失前者思田各自感激 朝廷再生之恩求欲立功報効當時許其休息三月然後調用今已及期仰右布

政林富副總兵張祐照牌事理即便分投密切起調各目兵夫迂路前到南寧面聽約束行事各職遵奉起調行至新墟地方又密奉進兵方畧刻定日期當即遵奉連夜分哨速進遂克攻破巢穴連戰皆捷斬獲功次解報間職等各蒙巡按廣西監察御史石金案驗為紀獲功次事案行該道各不妨監督如遇叅將張經舊任副總兵張祐等官各解到擒斬賊人賊級并俘獲賊屬男婦牛馬俱要就彼審驗真的事完通查獲功員役分別首從功次多寡緣由造冊賚報以憑覆審奏報等因除遵奉外今據進勦斷藤峽谷

陽明全傳別錄 卷之七 二十一
各哨土目官兵解到生擒斬獲首從賊徒賊級一千一百四名顆俘獲賊屬五百六十八名口進剿八寨各哨土目官兵解到生擒斬獲首從賊徒賊級一千九百一名顆俘獲賊屬五百八十七名口兩處共計擒斬獲三千五百名顆俘獲賊屬一千一百五十五口除遵照案驗事理再行驗實造冊另報外其各哨解到生擒斬獲俘獲等項功次數目合先開報職等會同叅照斷藤峽諸賊連絡數十餘巢盤亘三百餘里彼此犄角結聚憑險稔惡流劫群縣鄉村自國初以來屢征不服至天順年間該都御史韓雍統兵

二十餘萬來平兩廣然後破其巢穴兵退未久各賊復攻陷潯州據城大亂後復合兵攻勦蕪行招撫然後退還巢穴自是而後官府曲加撫處或時暫有數月之安而稍不如意輒復猖獗殺掠愈毒蓋其祖父以來很戾相承兇惡成性不可改化近年以來官府剿撫之計益窮各賊殘毒之害日甚蓋已至於不可支持矣至於八寨諸賊尤為兇悍益惡利鏢毒弩莫當其鋒且其寨壁天險追兵無路自國初韓都督嘗以數萬之衆圍困其地亦不能破竟從招撫其後屢次合剿一無所獲又多撓喪惟成化年間土官岑

陽明先生集卷之七
二
狹素能懾服諸徃嘗合各州狼兵一入其巢穴斬獲
二百餘功已而賊勢大湧力不能支當遂退兵亦以
招安而罷自是而後莫可誰何流劫遠近歲無虛月
民遭荼毒冤苦無所控籲自思田多事兩地之賊相
連煽動將有不可明言之變千里之間方爾洶洶朝
夕今幸 朝廷威德宣揚軍門方畧密授因湖廣之
回兵而利導其順便之勢作思田之新附而善用其
報効之機翕若雷霆疾如風雨事舉而遠近不知有
兵興之役敵破而士卒莫知其舉動之端兩地進兵
各不滿八千之衆而三月報績共已踰三千之功蓋

其勞費未及大征十之一而其斬獲加於大征三之
二遠近室家相慶道路懽騰皆以爲數十年來未見
有斯舉也職等承乏之任使雖衝冒炎毒攀援險阻不
敢不竭力効命但僅遵奉方畧安能仰贊一籌照得
宣慰彭明輔彭九霄官男彭宗舜等扶病冒暑督兵
剿賊顛頓厓谷仆而益奮遂能掃蕩窠穴殄滅渠黨
卽其忠義激發誠亦人所難能其思田報効頭目盧
蘇王受等感激再生之恩共竭効死之報自備資
糧爭先首敵遂破賊險搗自昔不到之窠斬自來難
敵之寇蓋有仰攻險寨墮崖而碎首者猶曰我死不

陽明先生集卷之七
一
憶亦有仰受賊弩掛樹而裂肢者猶曰我死甘心民
間傳誦以為盧蘇王受昔未招撫惟恐其為地方之
患今既招撫乃復為地方除患嘖嘖稱嘆謂其竭忠
報德之誠雖子弟之於父兄亦不能是過矣及照督
兵督哨防截給餉等項凡有事於軍前各官雖其職
有崇卑功有大小然皆衝冒矢石炎瘴備歷險阻艱
難比之往年大征合圍困守坐待成功其為利害勞
逸相去倍蓰均乞錄奉以勸將來等因到臣照得先
該各官呈稱前項各寨各賊積年窮兇稔惡千百里
內被其慘毒萬姓冤苦朝不保夕乞要乘此軍威急

救一方塗炭等因其時臣方駐劄南寧日觀其害誠
不忍坐視斯民之苦一至此極及查兵部屢次咨來
題奉 欽依事理要將前項各賊即行發兵計剿以
除民患正以臣等職所當盡之責但慮賊衆勢大連
絡千里可以計破難以力攻欲俟再行奉請 命下
然後舉行必致形迹彰聞雖用十萬之師圖以歲年
亦未可克故遂仰遵欽奉 勅諭但有盜賊生發當
撫則撫可剿則剿及便宜行事事理一面密切相機
行事及密行總鎮太監張賜知會隨該鎮守兩廣豐
城侯李旻亦相繼到在又經轉行知會外今據各呈

陽明集別錄 卷之七 二十三
前因該臣會同總鎮太監張賜總兵李旻及鎮巡三
司等官看得八寨斷藤牛腸六寺磨刀古陶白竹羅
鳳龍尾仙臺花相等賊巢穴連絡盤據千百餘里
悍驍猛酷虐萬姓流毒一方自來征剿所不能克
果已貫盈罪極神怒人怨委有如各官所呈者是誠
兩廣盜賊之淵藪根抵此而不去兩廣盜賊終未
有衰息之漸也乃今於三月之內止因湖廣便道
之歸師及用思田報効之新附兩地進兵不滿八
千而斬獲三千有奇窠穴掃蕩一洗萬民之冤以
除百年之患此豈臣等知謀才畧之所能及是皆
皇上除患救

民之誠心默贊於天地鬼神而神武不殺之威任
人不疑之斷震懾遠邇感動上下且廟廊諸臣咸能
推誠舉任公同協贊惟國是謀與人為善故臣等得
以展布四體無復顧慮信其力之所能為竭其心之
所可盡動無不宜舉無弗振諸將用命軍士効力以
克致此雖未足為可稱之功而朝廷之上所以能
使臣等獲成是功者實可以為後世行事之法矣不
然則兵耗財竭凋弊困苦之餘僅僅自守尚恐未克
而况敢望此意外之事哉照得宣慰彭明輔彭九霄
官男彭宗舜等皆衝犯暑毒身親陷陣事竣之後狼

陽明全集卷之七
三十四
俱扶病而歸生死皆未可必其官男彭蓋臣者亦遣
家丁遠來報効兩年之間顛頓道途疾疫死亡誠有
人情所不能堪者而彭明輔等忠義奮發畧無悔息
即其一念報國之誠殊有所不可泯者至於思田
報効頭目盧蘇王受等感激朝廷再生之恩自備
資糧力辭軍餉實能舍死破敵爭先陷陣惟恐功效
不立無以自白其本心謂子弟之於父兄亦不過是
誠非虛言此皆臣所親見者也及照番撫思田右布
政林富已聞都御史之擢而忠義激發猶且不計體
面必欲督兵入窠破賊而後出是尤人所難能舊任

副總兵張祐叅將張經沈希儀湖廣督兵僉事汪濬
廣西督兵僉事吳天挺叅議汪必東副使翁素湖廣
督兵都指揮謝珮廣西都指揮高崧及各督哨督押
指揮等官馬文瑞王勳居宏卞珺張縉彭飛張恩周
徹宗趙璇林節劉鏜武鑾千戶劉宗本等督剿縣丞
林應驄主簿李本并防截搜捕調度給餉等項官員
知府程雲鵬蔣山卿同知桂鏊史立誠舒栢通判陳
志敬徐俊知州林寬李東諭召知縣劉喬縣丞杜桐
蕭尚賢經歷周奎等雖其才猷功績各有大小等級
之誅而利害勤苦亦有緩急久暫之異然當茲炎毒

暑雨之中瘴疫薰蒸經冒鋒鏑之場出入崎險之地固皆同効捍患勤事之績自有百死一生之危者也伏望 皇上明昭軍旅之政既行廟堂協贊舉任之上賞亦錄諸臣分職供事之微勞及將宣慰彭明輔等稍加陞獎官男彭宗舜彭蓋臣免其赴京就彼襲替以旌其報 國之義士目盧蘇王受等亦曲賜恩典或不待三年而遂錫之冠帶以勵其報効之志如此庶幾功無不賞而益興忠義之心賞當其功而自息僥倖之望矣臣以懦劣迂踈繆蒙不世之 知遇授以軍旅重任言無不錄計無不行且又慰以

溫旨使之不必顧忌臣伏讀感泣自誓此生鞠躬盡死以報 深恩今茲之役本無足言然亦自幸苟無覆敗以免戮辱但恨身嬰危疾自後任勞頗難已具本告回養病乞 賜俯允俾得全復餘生尚有圖報之日臣不勝願望

處置八寨斷藤峽以圖永安疏

嘉靖七年七月十二日

照得臣於去歲奉 命勘處思田兩府皆蒙 皇上天地好生之仁悉從寬宥兩府人民今皆復業安居化為無事寧靖之地自此可以永無反覆之患而免於防守屯息之勞矣惟是八寨及斷藤峽諸賊積年

痛毒生民千百里內塗炭已極臣既目覩其害不忍坐視而不救遂遵奉 勅諭事理乘機舉兵征剿仰 賴 神武威德幸已翦滅蕩平一方倒懸之苦略已為之一解但將來之患不可以不預防而事機之會亦不可以輕失臣因督兵親歷諸窠見其形勢要害各有宜改立衛所開設縣治以斷其脉絡而扼其咽喉者若失今不為則數年之間賊必漸復歸聚生息不過十年又有地方之患矣臣以多病之故自度精神力量斷已不能了此但已心知其事勢不得不然不敢仰負 陛下之託俯貽地方之憂輒已遵奉

勅諭便宜事理一面相度舉行不避煩瀆之誅開陳上請乞 賜採擇施行實地方之幸臣等之幸

計開

一移築南丹衛城於八寨臣等看得八寨之賊實為柳慶諸賊之根抵蓋其東連柳州隴蛤三都嶺三北四等處賊峒以數十北連慶遠忻城東歐莫往八仙等處賊峒亦以數十西連東蘭等州及夷江土者等處賊峒以數十南接思恩及賓州上林縣諸處賊村亦以十數各處賊窠雖多其小者僅百數人大者不過數百人及千人而止各賊窠穴

陽明集卷之七
二十七
皆有山谿之限險阨之守不相通和至期有急或
欲有所攻劫糾合會聚然後有一二千之衆多至
數千者惟八寨之賊每寨有衆千餘四山環合同
據一險無事則分路出劫有警急奔入其寨數千
之衆皆不糾而聚不約而同不謀而合故名雖爲
八實則一寨此八寨之賊所以勢衆力大而自來
攻之有不能克者也各寨之賊皆倚恃八寨爲連
逃主每有緩急一投八寨卽無所致其窮詰八寨
爲之一呼則群賊皆應聲而聚故群賊之於八寨
猶車輪之有軸樹木之有本若八寨不除則群賊

决無衰息之期也今幸八寨悉已破蕩正宜乘此
平靖之時據其要害建置衛所以控馭群賊臣等
看得周安堡正當八寨之中四方賊窠道路之所
會議於其地創築一城度可以居數千之衆者而
移設南丹一衛於其間蓋南丹衛舊在南丹州地
方爲廣西極邊窮苦之地非中土之人所可居者
故自先年屢求內徙今已三遷而至賓州遂爲中
土富樂之鄉賓州既有守禦千戶一所官軍而又
益以南丹一衛自遠來徙無片田尺土之籍但惟
安居坐食取給於賓州州城之內皆職官旗舍之

陽明集卷之七
三十一
居州民反避處於四遠村寨每遇糧差徭役然後
入城故州官號令不行於城中而政事牽沮地方
益弊今計一衛之官軍雖不滿五百之數蓋盡移
其家衆則亦不下二千以二千之衆而屯聚於一
城其氣勢亦已漸盛足克守禦遂清理屯田之在
八寨者使之屯種又分撥各賊占據之田使各官
軍得以爲業以稍省俸給月糧之費彼亦無不樂
從且賓州之城旣空又可以還聚居民修復有司
之治亦事之兩便者也臣等又看得遷江八所皆
土官指揮千百戶等職舊有狼兵數千以分制八

寨徭賊之勢後因賊勢日盛各官皆不敢復入反
遂與之交通結契及爲之居停指引分其劫掠之
所得共爲地方之害已非一日官府察知其奸欲
加懲究則又倚賊爲重不可根極近臣督兵其地
悉將各官遵照 勅諭事理綁赴軍門議欲斬首
示衆以警遠近而各官哀求免死願得殺賊立功
自贖然其時賊勢已平遂許其各率土兵入屯八
寨就與該衛官軍分工効力助築城垣待城完之
日就與城外別築營堡與南丹衛官軍掎角而守
亦各分撥賊田使之耕種以資衣糧今八所土兵

雖已比舊衰耗然亦尚有四千餘衆若畱其微弱者四所於外以分屯其所遺之田而調其強盛者四所於內合南丹一衛之衆以守亦且四千有餘隱然足爲柳慶之間一巨鎮矣此鎮一立則各賊之脉絡斷咽喉絕自將沮喪震懾其勢莫敢輕動稍有反側者據險出兵而撲之夕發而旦至各賊之交自不能合如取幾上之肉下筋無弗得者此真破車輪之軸而諸酋解伐樹木之本而衆幹自枯不過十年柳慶諸不必征剿皆將効順而服化矣伏乞 聖明裁允

一 改築思恩府城於荒田臣等看得思恩舊治原在寨城山內尚歷高山數十餘里其後土官岑濬始移出地名橋利就巖險壘石爲城而居四面皆斬山絕壁府治亦在礮礮之上芒利礮礮之石衝射抵觸如處戈矛劍戟之中自岑濬被誅繼是二一餘年反者數起曾不能有一歲之安人皆以爲風氣所使雖未可盡信然頑石之上不生嘉禾而陰崖之下必有狐鼠要亦事理之有然者况其地瘴霧昏塞薄午始開中土之人來居輒生疾疫自春初思田歸附之後臣時即已經營料理其事竟

未能有相應之地近因督剿八寨復親往相度乃於未至橋利六十里外地名荒田者其地四野寬衍皆膏腴之田而後山起伏蜿蜒敷為平原環抱涵畜兩水夾繞後山而出合流於前屈曲數十里入武緣江水達於南寧四面山勢重疊盤迴皆軒豁秀麗真可以建立府治臣因信宿其地為之景定方向創設規則諸夷來集莫不踴躍歡喜爭先趨事赴工遂令署府事同知桂鏊督令各役擇日興工蓋思舊治皆在萬山之中水道不通故各夷所須魚鹽諸貨類皆遠出展轉鬻買往反旬月

十不致二常多價絕舊府既地險氣惡又無所資食故各夷終歲不一至府治情益棘離易生嫌隙今府治既通江水商賈自集諸夷所須皆仰給於府朝夕絡繹自然日加親附歸向而武緣都里舊嘗割屬思恩者其始因路險地隔不供糧差今荒田就係武緣止戈一圖二圖之地四望平野坦然大道朝往夕反無復阻隔則該府之官自可因城頭巡檢之制循土俗以順各夷之情又可開圖立里用漢法以治武緣之衆夷夏交和公私兩便則改築思恩府城於荒田者是亦保治安民勢

陽明集別錄 卷之二 三十一
不容已之事欲乞一聖明裁允

一改鳳化縣治於三里臣等勘得思恩舊有鳳化一縣然無城廓縣治廨宇選來知縣等官多借居民村或寄其家眷於賓州諸處而遷徙無常如流寓者然上司憐其無所依泊則委之管理別印或以公務差遣往來以外以苟歲月故鳳化之在思恩徙寄虛名而實無縣治臣近督剿八寨看得上林縣地名三里者乃在八寨之間其地平廣博衍東西數里外石山周圍如城自後極高石山之間獨軸土山一脉起頓昂伏分為兩股環抱而前遂

有兩水夾流土山之外當心交合出水之口石山十餘重錯互回盤轉折二三十里極外石山合為城門水從此出是為外隘其間多良田茂林村落相望前此居民十餘家皆極饒富後為寨賊所驅殺占據遂各四散逃亡不敢歸視其土者已二十餘年今各賊既滅遂空其地不及今創設縣治以據其險或有漏殄之賊潛回其間日漸生息結聚後阻石門之險前守外隘之塞不過數年又將漸為地方之梗矣故臣以為宜割上林上下無虞鄉三里之地屬之思恩而移設鳳化縣治於其內量

為築立城垣廨宇選委才能之官興督其役遠近聞之不過三四月而逃亡之民將盡來歸各修復其田業供其糧差然遂可以成一方之保障且其南通南丹新衛五六十里南丹在石門之內鳳化當石門之外內外聲勢連合而石門之險亡西至思恩一百餘里取遵於那學沿途村寨荒塞日久因此兩地之人往不絡繹而道路益通又上林舊在大鳴山與八寨合賊之間勢極孤懸今得鳳化為之唇齒氣勢日盛雖割三里之地以與鳳化而綠茅綠篠等村寨皆所亡失土田皆將以次歸

復則亦失之於東而收於西矣及照思恩雖已設立流官知府然其所屬皆土目巡檢而舊屬鳳化一縣亦皆徒寄空名實未嘗有今割武緣止戈一圖二圖之地改築思恩府城而又割上林上下無虞三里之地改設鳳化縣於思恩亦已稍有資輔但自鳳化三里至於思恩一百五六十里中間尚隔上林一縣臣以為并割上林一縣而通以屬之思恩似於事勢為便而於體統尤宜何者柳州一府所屬二州十縣賓州蓋柳州所屬者且有上林遷江兩縣今思恩既設流官知府固亦一府

陽明全集卷之廿
卷之廿
之尊而反不若柳州所屬之一州也其於體統亦
有所未稱矣况賓州自有十五里而又有遷江一
縣雖割上林以與思恩其地猶倍於思恩未為遽
損也上林之屬賓州與屬思恩均之為一屬邑亦
未有所加損也然以之屬於思恩則思恩始可以
成一府之規模而其間有無相湏緩急相援氣勢
相倚流官之體統益尊則土俗之歸向益謹郡縣
之攻化日新則夷民之感發日易固有不可盡言
之益也夫立新縣以扼據地險改屬縣以輔成府
治是皆所以久安地方者也伏乞 聖明裁允

一添設流官縣治於思龍照得南寧自宣化縣既
於田寧逆流十日之程宣化所屬如思龍十圖等
處相去尚有五日六日其間錯以土夷村寨地既
隔越而窮鄉小民畏見官府故其糧差多在縣之
宿奸老蠹與之包圍因而以一科十小民不勝迫
脇往往逃入夷寨土夷又從而侵暴之地日凋殘
盜賊日起近年以來思龍之圖鄉民屢次奉乞添
設縣治以便糧差蓋亦內迫於縣民之奸外苦於
土夷之暴不得已而然臣因入撫田寧親歷其所
民之擁道控告者以千數因停舟其地為之經理

相度得村名那久者其地亦寬平深厚江水縈迴
環匝傍有一江來會亦止於此合流沿江居民千
餘家竹樹森翳煙火相接且向武各州道路皆經
由其傍亦為四通之地若於此分割宣化縣思龍
一五六七八九十十二及西鄉之六八圖共十里
之地而設立一縣治則非獨以便窮鄉小民之糧
差賦役亦足以鎮據要害消沮盜賊其間小民村
居如那茄馬坳三顏那排之類未可悉數皆久已
淪入於夷今若縣治一立則此等村寨諸夷自不
得而隱占皆將漸次歸復流官而其地遂接比

田寧固可以所設之縣而遂以屬之田寧矣夫
寧一府所屬一州三縣而宣化一縣自有五十二
里今雖分割十里之地以與田寧而宣化尚有四
十二里一縣之地猶四倍於一府也况田寧又係
新創流官府治所統皆土目巡檢今得此一屬縣
為之傍輔又自不同臣於前割上林以屬思恩之
議已畧言之矣且左江一帶自蒼梧以達南寧皆
在流官腹裏之地自南寧以達於田寧自田寧以
通於雲貴交趾則皆夷村土寨稍有疑傳易成闕
隔今田寧思恩二府既皆改設流官與南寧鼎峙

而立而又得此新創一縣以疏附交連於其間平
居無事商貨流通厚生利用一旦或有境外之役
道路所經皆流官衙門從門庭中度兵更無阻隔
之患此亦安民利國之事勢所當為者也伏乞
聖明裁允仍 定賜縣名選名給印地方幸甚
一增築守鎮城堡於五屯照得斷藤峽諸賊既平
守巡各官議調土漢官兵數千於潯州以防不測
該臣看得各賊既滅縱有一二漏網其勢非三四
年亦未能復聚為今之計正宜剿撫並行蓋破滅
窮兇各賊者所以懲惡而撫恤向化諸徃者所以

勸善今懲惡之餘即宜急為勸善之政使軍衛有
司各官分投遍歷向化村寨慰勞而存恤之給以
告示賜以魚塩因而為之選立酋長諭以 朝廷
所以征剿各寨者為其稔惡也今爾等向化村寨
自宜安心樂業益堅為善之志但有反側悖亂者
即宜擒送官府自當重賞以酬爾勞其漏殄諸賊
果能誠心悔惡亦皆許其歸附待以良民夫使向
化者益勸於為善而日加親附則惡黨自孤賊勢
自散不復能合縱遺一二終將屈而順服矣乃今
則不然賊既破剿而猶屯兵不散使漏殄之徒得

以藉口搖惑遠近其向化村分又畧不加恤奸惡之民復乘機而驅脅虐害之彼見賊已破滅而復聚兵已心懷驚疑矣而又外惑於賊黨之扇搖內激於奸民之驅脅遂勾結相連而起此近年以來所以亂始平而變復作皆迷誤於相沿之弊而不察也今各賊新破勢未敢輕出雖屯數千之衆不過困頓坐食徒穢擾民居耗竭糧餉而實無益於事吾民久被賊苦今始一解其倒懸又復自聚無用之兵以重困之此豈計之得者哉惟於各寨之中相其要害之地創立一鎮以控制之此則真

理之所當行亦宜乘此掃蕩之餘而速圖之其在斷藤牛場諸處則既切近潯州府衛不必更有所設至於四方各寨遍歷其要害險阻則惟五屯正當風門佛子諸窠穴而西通府江北接荔浦各處徃賊最爲緊要之區宜設一鎮以控御遠邇而舊已有千戶所統率官兵亦幾及一千之數困於差徭日漸躲避於附近土日村寨官司失於清理止有五百其後上司不問地方之艱難又於五百之中分調哨守於他所而所餘遂不滿二百既而賊亂四起守禦缺乏則又取調潮州之兵數百

以來協守五屯事旣紛亂人無所遵兼以統馭非人故地方遂致大壞且其屯堡墻垣亦甚卑隘不足以壯威設險今宜開拓其地增築高城度可以居三千之衆而設守備衙門於其內取回五百之中分調哨守於他所之兵其自潮州調來協守者則盡數發還原衛以免兩地各兵背離鄉土之苦徃復道途之費仍於附近土寨日兵之中清查揀補其原避差役者務足原數一千選委智畧忠勇之官一員重任而專責之使之訓練撫摩敷之以威信而懷之以仁恩務在地險旣設而士心益和

自然動無不克而行無不利叅將兵備各官又不時親至其地經理而振作之或案行其村寨或勸督其農耕或召其頑梗而曲示訓懲或進其良善而優加獎賜或救恤其災患或聽斷其是非如農夫之去稂莠而養嘉禾漸次耕耨而耘鋤之無事之時隨意取調附近土官兵款或百人或七八十人以協同哨守爲名使之兩月一更班而絡繹往來於道路以慣習遠近各窠之耳目自後我兵出入自將無所驚疑果有兇梗當事舉動然後密調精悍可用土目一二千名如尋常哨守然以次潛

集城中畜力養銳相機而發夫無事而屯數千之
兵則一月糧餉費踰千金若每一年無屯軍之費
用之以築城設險犒賞兵士招來遠人亦何事不
行何工不就此增築城堡以據要害所謂謀成而
敵自敗城完而寇自解險設而賊自摧威震而奸
自伏正宜及今為之而亦事勢之不可已為者也
伏乞 聖明裁允

查明岑邦相疏

七年七月十九日

准兵部咨該本部題節奉 欽依岑邦佐仍武靖知
州岑邦相着王守仁再查明白具奏欽此欽遵照得

先該臣等具題前事內一件仍立土官知州以順
夷之情臣等議得岑氏世有田州久結於人心岑猛
雖沒諸夷莫不願得復立其後議於開設流官知府
之外就於該府四十八甲之內割其八甲降設田州
立岑猛之子一人始授以署州事吏目三年之後地
方寧靖効有勤勞則授以為判官六年之後地方寧
靖効有勤勞則授以為同知九年之後地方寧靖効
有勤勞則授以為知州使承岑氏之祀而隸之流官
知府當時臣等通拘該府大小土目及鄉老人等審
問岑猛之子應該承立者何人乃衆口一詞以為岑

猛四子長子岑邦佐係正妻張氏所出次子岑邦彥係庶妾林氏所出三子岑邦輔係外婢所生四子岑邦相係次妾常氏所出猛嬖溺林氏而張氏失愛故邦佐自幼出繼武靖而以邦彥承襲官職今邦彥既死應該承立者莫宜於邦佐臣等當看得武靖地方正當徭賦之衝而邦佐自幼出繼該州之民信服歸戴已久况其才力足能制禦各徭近日該州土目人等又相繼懇懇來告願得復還邦佐今欲改立一人亦未有可以代邦佐者兼恐一失武靖各目之心則於地方又多生一事莫若仍還邦佐於武靖一以禦

地方之患一以順各夷之情至於田州新立不過苟以無絕岑氏之祀此其才否優劣固不必深論者因諭以邦佐出繼武靖既久朝廷事體已定不可復還宜立其次者岑邦輔則可於是各目人等又衆口一詞以爲邦輔名雖岑猛外婢所生其實來歷不明闔府之民皆不欲立惟邦相則次妾所生實係岑猛的親骨肉况其質貌厚重謹實衆心歸服立繼岑氏庶不絕其真正一麻臣等議得仍立土官者專爲不絕岑氏之後以順諸夷之情也今衆心若此亦合俯順故當時直斷邦輔謂非岑猛之子而止謂岑猛

之子存者二人亦所以正名慎始杜日後之紛爭也
但具奏之時因本內事體多端文已繁瑣若再加詳
說誠恐有瀆 聖聽故遂簡畧其詞今蒙 朝廷明
見萬里洞徹細微復 命臣等查奏聞 命惶懼無
所措躬因思岑邦輔尚存當時奏內不曾詳開所以
不立邦輔之故而直言岑猛之子存者二人果係情
節脫落事體欠明臣等踈漏之罪萬死有不容赦者
矣臣等近復通拘該府土目鄉老人等再加審問而
衆口一詞執說如前陳請益篤臣等反覆思惟其事
誠亦必須如此而後穩帖無弊故仍照原議上請蓋

得粉身齏骨以自効又臣近歲之所日夜切心者也
病日就危尚求苟全以圖後報而為養病之舉此臣
之所大不得已也惟 陛下鑒臣一念報 主之誠
固非苟為避難以自偷安而憫其瀕危垂絕不得已
之至情容臣得暫回原籍就醫調治幸存餘息鞠躬
盡瘁以報 陛下尚有日也臣不勝懇切哀求之至

本重刻陽明先生別錄卷之七終

國非皆為... 之世大不... 深口... 骨... 日...

河東重刻陽明先生別錄卷之八

十八

公移一

提督南贛軍務 征橫水桶岡三利

巡撫南贛欽奉

敕諭通行各屬

正德十二年正月

節該欽奉 敕諭江西福建廣東湖廣各布政司地方
交界去處累有盜賊生發因地連各境事無統屬
特命爾前去巡撫江西南安贛州福建汀州漳州廣
東南雄韶州惠州潮州各府及湖廣柳州地方安撫
軍民修理城池禁革奸弊一應地方賊情軍馬錢糧
事宜小則徑自區畫大則奏請定奪但有盜賊生發
即便嚴督各該兵備守備守巡并各軍衛有司設法

勦捕選委庶能屬官密切體訪及僉所在大戶井被害之家有智力人丁多方追襲量加犒賞或募知因之人陰爲鄉導或購賊徒自相斬捕或聽脅從并亡命窩主人等自首免罪其軍衛有司官員中政務修舉者量加旌獎其有貪殘畏縮誤事者徑自拏問發落爾風憲大臣須庶正剛果肅清奸弊以副朝廷之委任欽此欽遵照得所屬地方界連四省山谿峻險林木茂深盜賊潛據其間不時出沒剽劫東追則西竄南捕則北奔各省巡捕等官彼此推調觀望不肯協力追剿遂至延蔓日多當職猥以菲才濫膺重

寄大懼職業鰥廢仰負朝廷委託爲照前項地方延袤廣遠未能遍歷其間綏撫之方隨時殊制攻守之策因地異宜若非的確詢訪難以臆見裁度爲此仰抄捧回司着落當該官吏照依案驗內事理即行本司該道分巡分守兵備守備等官并所屬大小衙門各該官吏公同逐一會議要見即今各處城堡關隘有無堅完軍兵民快曾否操練某處賊方猖獗作何擒剿某處賊已退散作何撫緝某賊怙終必須撲滅某賊被誘尚可招徠何等人役堪爲鄉導何等大戶可令追襲軍不足恃或須別募精強財不足用或

可別爲經畫某處或有間田可興屯以足食某處或多浮費可節省以供軍何地須添寨堡以斷賊之往來何地堪建城邑以扼賊之要害姑息隱忍固非久安之圖會舉夾攻果得萬全之策一應足財養兵弭寇安民之術皆宜悉心計慮折衷推求山川道路之險易必須親切畫圖賊壘民居之錯雜皆可按實開注近者一月以裏遠者一月以外凡有所見備寫揭帖各另呈來以憑采擇非獨以匡當職之不逮亦將以驗各官之所存務求實用毋事虛言各該官吏俱要守法奉公長廉遠恥祛患衛民竭誠報國母以

各省而分彼此務須協力以濟艱難果有忠勇清勤績行顯著者旌勸自有常典當職不敢蔽賢其或奸貪畏縮志行卑污者黜罰則有明條當職亦不敢同惡深惟昧劣庶賴匡襄凡我有官各宜知悉

選揀民兵

照得撫屬地方界連四省山谷險隘林木茂深盜賊所盤三居其一乘間劫掠大爲民患本院繆當巡撫耳盜安民爲職欽奉 敕諭一應軍馬錢糧事宜務以徑自區畫蒞任以來甫及旬日雖未遍歷各屬且就贛州一府觀之財用耗竭兵力脆寡衛所軍

丁止存故籍府縣機快半應虛文禦寇之方百無足恃以此例彼餘亦可知夫以羸卒而當強寇猶驅群羊而攻猛虎必有所不敢矣是以每遇盜賊猖獗輒復會 奏請兵非調土軍即猜狼達往返之際輒已經年糜費所湏動逾數萬逮至集兵舉事即已翹翹潛形曾無可剿之賊稍俟班師旋旅則又鼠狐聚黨復皆不軌之群良由素不練兵倚人成事是以機宜屢失備禦益弛徵發無救於瘡痍供饋適增其荼毒群盜習知其然愈肆無憚百姓謂莫可恃競亦從夫事緩則坐縱烏合勢急迺動調狼兵一皆苟且之

謀此豈可常之策古之善用兵者驅市人而使戰假問戍以興師豈以一州八府之地遂無奮勇敢戰之夫事預則立人存政舉近據江西分巡嶺北道兵備副使楊璋呈將所屬各縣機快通行揀選委官統領操練即其處分當亦漸勝於前但此等機快止可護守城郭隄備關隘至於搗巢深入摧鋒陷陣恐亦未堪爲此案仰四省各兵備官於各屬弩手打手機快等項挑選驍勇絕群膽力出衆之士每縣或十餘人少或八九輩務求魁傑異材缺則懸賞召募大約江西福建二兵備各以五六百名爲率廣東湖廣二

兵備各以四五百名為率中間若有力能扛鼎勇敵千人者優其廩餼署為將領召募犒賞等費皆查各屬商稅贖罰等銀支給各縣機快除南贛兵備已行編選外餘四兵備仍於每縣原額數內揀選精壯可用者量留三分之一就委該縣能官統練專以守城防隘為事其餘一分揀退疲弱不堪者免其着役止出工食追解該道以益召募犒賞之費所募精兵專隨各兵備官屯劄別選素有膽略屬官員分隊統押教習之方隨材異技器械之備因地異宜日逐操演聽候徵調各官常加考校以核其止金鼓之節

院間一調遣以習其往來道途之勤資裝素具遇警卽發聲東擊西舉動由已運機設伏呼吸從心如此則各縣屯戍之兵既足以護守防截而兵備募召之士又可以應變出奇盜賊漸知所畏而革心平良益有所恃而無恐然後聲罪之義克振撫綏之仁可施弭盜之方斯惟其要本院所見如此其間尚有知慮未周措置猶缺者又在各官酌量潤色務在盡善期於可久亮愛民憂國之心既無不同則拯溺救焚之圖自不容緩案至即便舉行或有政務相妨未能一一親詣先行各屬精為選發先將召募所得姓名及

陽明集別錄 卷之六 五
措置支費銀糧陸續呈報事完之日通造文冊以憑
查考

十家牌法告諭各府父老子弟

本院奉 命巡撫是方惟欲剪除盜賊安養小民所
恨才力短淺智慮不及雖懷愛民之心未有愛民之
政父老子弟凡可以匡我之不逮苟有益於民者皆
有以告我我當商度其可以次舉行今為此牌似亦
煩勞爾衆中間固多詩書禮義之家吾亦豈忍以徭
詐待爾良民但欲防奸革弊以保安爾良善則又不
得不然父老子弟其體此意自今各家務要父慈子

孝兄愛弟敬夫和婦隨長惠幼順小心以奉官法勤
謹以辦 國課恭儉以守家業謙和以處鄉里
平恕毋得輕意忿爭事要含忍毋得輒興詞訟見善
互相勸勉有惡互相懲戒務興禮讓之風以成敦厚
之俗吾愧德政未敷而徒以言教父老子弟其勉體
吾意毋忽

輪牌人每日仍將告諭省曉各家一番

十家牌式

某縣某坊

某人某籍

陽明集別錄 卷之六 六
某人某籍

某人某籍

某人某籍

某人某籍

某人某籍

某人某籍

某人某籍

某人某籍

某人某籍

右甲尾某人

左甲頭某人

此牌就仰同牌十家輪日收掌每日酉牌時分持牌到各家照粉牌查審某家今夜火某人往某處幹某事某日當回某家今夜多某人是某姓名從某處來幹某事務要審問的確仍通報各家知會若事有可疑即行報官如或隱蔽事發十家同罪各家牌式

某縣某坊民戶某人

某坊都里長某下甲首軍戶則云某所總旗小旗某下匠戶則云某里甲下某色匠客戶則云原籍

某處某里甲下某色人見作何生理當某處差役
 有寄庄田在本縣某都原買某人田親徵保住人
 某某若官戶則云某衙門某官下舍人舍餘
 若客戶不報寫庄田在牌者日後來告有庄田皆
 不唯不報寫原籍里甲即係來歷不明即須查究

男子幾丁

某某項官見任致仕在京或在某處

某某處生員吏典

某治何處某成丁未成

某見當某差役

某有何技能

某

某成患廢疾

某

見在家幾丁 若人丁多者牌許增閱量添行

填寫

一婦女幾口

一門面屋幾間係自己屋或典賃某人屋

一寄歇客人某人係某處人到此作何生理一名開寫浮票寫帖客去則揭票無則

無云

案行各分巡道督編十家牌

照得本院巡撫地方盜賊充斥因念禦外之策必以
 治內為先顧蒞事未久尚昧土俗未惟撫緝之宜懼
 然未有所措訪得所屬軍民之家多有規圖小利寄

住來歷不明之人同為狡偽欺竊之事甚者私通峯賊而與之傳遞消息窩藏奸究而為之盤據夤緣盜賊不靖職此其由合就行令所屬府縣在城居民每家各置一牌備寫門戶籍貫及人丁多寡之數有無寄住暫宿之人揭於各家門首以憑官府查考仍編十家為一牌開列各戶姓名背寫本院告諭口輪一家沿門按牌審察動靜但有面目生疎之人踪跡可疑之事即行報官究理或有隱匿十家連罪如此庶居民不敢從惡而奸偽無所潛形為此仰抄案回道即行各屬府縣著落各掌印官照依頒去牌式沿街

巡按次編排務在一月之內了事該道亦要嚴督察期於着實施行毋使虛應故事仍令各將編置過人戶姓名造冊繳院以憑查考非但因事以別勸惰且將旌罰以示勸懲

告諭各府父老子弟

告諭父老子弟今兵荒之餘困苦良甚其各休養生息相勉於善父慈子孝兄友弟恭夫和婦從長惠幼順勤儉以守家業謙和以處鄉里心要平恕毋懷險譎事貴含忍毋輕鬪爭父老子弟曾見有溫良遜讓早已尊人而人不敬愛者乎曾見有凶狠貪暴利已

侵人而人不疾怨者乎夫器訟之人爭利而未必得
利求伸而未必能伸外見疾於官府內破敗其家業
上辱父祖下累子孫何苦而爲此乎此邦之俗爭利
健訟故吾言懇懇於此吾愧無德政而徒以言教父
老其勉聽吾言各訓戒其子弟毋忽

剿捕漳寇方略牌

正月

據福建廣東布按二司叅議等官張簡等各呈剿捕
事宜已經行仰遵照案驗施行所有方略恐致泄露
不欲備開案內爲此另行牌仰廣東嶺東福建汀
等處兵備僉事顧應祥胡璉密切會同守巡紀功

畫等官於公文至日便可揚言本院新有明文謂
氣向煖農務方新兼之山路崎險林木蒼翳若兩
府至瘴霧驟興軍馬深入實亦非便莫若於要緊地
方量留打手機兵操練隄備其餘軍馬逐漸抽回待
秋收之後風氣涼冷然後三省會兵齊進或宣示遠
近或曉諭下人此聲旣揚却乃大饗軍士陽若犒勞
給賞爲散軍之狀實則感激衆心作興士氣一面亦
將不甚緊關人馬抽放一處兩處以信其事其實所
亦可不預遣間諜探賊虛實有間可乘即便齎糗銜
遠而復預遣間諜探賊虛實有間可乘即便齎糗銜
枚連夜速發當此之時却須捨却身家有死無生勁

李當前重兵繼後伺至其地鼓噪而入仍戒當先之士惟在摧鋒破陣不許斬取首級後繼重兵止許另分五六十騎沿途收斬其餘亦不得輒亂行次違者就便以軍法斬首重兵之後紀功贖畫等官各率數隊相繼而進嚴整行伍務令鼓噪之聲連亘不絕使諸賊逃遁山谷者聞之不得復遂若賊首未盡探其所如分兵速躡不得稍緩使賊復得爲計已獲渠魁其餘解散黨與平日罪惡不大可招納者還與招納不得貪功一槩屠戮乘勝之餘尤要振兵肅旅如初遇敵不得恃勝懈弛恐生他虞歸途仍將已破賊巢

悉與掃蕩經過寨堡村落務禁標掠宜撫恤者即加撫恤宜處分者即與處分毋速一時之歸復遺他日之悔本院奉命而來專以節制四省沿邊軍職爲務即今進兵一應機宜悉宜稟聽本院庶幾事有總領率動齊一授去方略敢有故違悉以軍法論處各官知會之後即連名開具遵依揭帖密切差人回報

案行廣東福建領兵官進剿事宜

據福建廣東按察司等衙門備呈到院看得兩省剿捕事宜設施布置頗已詳備誠使諸將齊心軍士用命並舉夾攻已有必克之勢但事干各省舉動難一

陽明先生集卷之八
五十一
頓兵既久變故旋生則謀筭機宜旬日頓異亦難各
守初議執為定說照得福建軍務整緝既久兼有海
浚浦城政和諸處打手足可濟事諸將咸有以功贖
罪之心意氣頗銳當道亦皆協謀并力期收克捷之
功利在速戰若當集謀之始掩賊不備奮擊而前成
功可必今既曠日持久聲勢彰聞各巢賊黨必皆連
絡糾合阻阱設械以禦我師其為奸計當亦日加險
密至於今日已為持久之師且宜示以寬懈待間而
發而猶執其乘機之說張皇於外以堅賊志是謂知
吾卒之可擊而不知敵之未可擊也廣東之兵集謀

於後聲威未震意在倚重狼達土軍然後舉事利於
持久是亦慎重周悉之謀諸賊聞之雖相結聚尚候
土兵之集以卜戰期其備必猶懈弛若因而形之以
緩乘此機候正可奮怯為勇變弱為強而猶執其持
重之說必候土軍之至以坐失事機是徒知吾卒之
未可擊而不知敵之正可擊也善用兵者因形而借
勝於敵故其戰勝不復而應形於無窮勝負之筭間
不容髮焉可執滯除江西南贛地方凡通賊關隘已
行兵備副使楊璋委官嚴備截殺及將進剿方略各
另差人封付福建僉事胡璉廣東僉事顧應祥會同

守巡等官密切遵依行事外仰批案回司即行各官
務要同心協德乘間而動毋得各守一見縻軍債事
一應進止不必呈稟以致誤事領軍等官隨機應變
就便施行一面呈報如復彼此徧執失誤軍機定行
從重叅拏决不輕貸其軍馬錢糧紀功給賞等項已
行有成規不再更定

案行漳南道守巡官戴罪督兵剿賊

據福建漳南道右叅政艾洪等呈准左叅政陳策副
使唐澤手本該三司遵依議委各職隨軍紀功運謀
經略依蒙前詣南靖縣小溪中營住札查理軍情審

驗功次大約賊衆以四分爲率一分就擒一分聽撫
俱已審驗查處明白一分遠遁廣東境界一分深藏
本處山谷狼子野心絕巖峻嶺易以計破難以兵碎
必須通將調募見在官軍二萬二千餘名再加議處
減冗兵以省費留精兵以守險待賊饑疲隨加撫剿
庶幾軍餉不缺農業不廢節據各哨委官連日稟報
各賊恃居險阻公然拒敵官軍不聽招撫合無繼處
本省錢糧以堅自守之謀催請廣東狼兵以助夾攻
之計等因隨據叅政陳策等呈據鎮海衛指揮高偉
呈指揮覃桓縣丞紀鏞被大傘賊衆突出馬陷深泥

被傷身死等因到院簿查先據叅政陳策等呈已經
批各官酌量事機公同會議如是賊雖據險而守尚
可出其不趨掩其不備則用鄧艾破蜀之策從間道
以出奇若果賊已盤據得地可以計困難以兵克則
用充國破羗之謀減冗兵以省費務在防隱禍於顯
利之中絕深奸於意料之外萬全無失僉謀皆同然
後呈來定奪去後今據前因叅照指揮高偉既奉差
委督哨自合與覃桓等相度機宜協謀並進却乃孤
軍輕率中賊奸計雖稱督兵救援先亦頗有斬獲終
是功微罪大難以贖准廣東通判陳策指揮黃

百戶陳洪鄭芳等既與覃桓等面議夾攻眼見摧敗
略不應接挫損軍威壞事匪細俱屬違法各該領兵
守備兵備守巡等官督提欠嚴亦屬有違合就通行
叅究但在緊急用人之際姑且記罪查勘督剿及照
添調狼兵一節案查該省節呈兵糧預備已久惟俟
剋日進攻今始成軍而出一遇小挫輒求濟師况動
調狼兵往返數月非但臨渴掘井緩不及事兼據見
在官兵二千有餘數已不少兵貴善用豈在徒多况
稱糧餉缺乏正宜減兵省費安可益軍匱財除廣東
坐視官員及應否動調狼兵另行查議外仰批案回

西陽集別錄 卷之六 十四
道查勘指揮覃桓縣丞紀鏞是否領兵夾攻彼傷身
死各官原領軍兵若干見在若干其指揮仲欽推官
胡寧道知事曾瑤知縣施祥等緣何不行策應是否
畏避退縮俱要備查明白從實開報其覃桓等所統
軍兵就仰高備管領戴罪殺賊立功自贖仍仰福建
布政司作急查處堪以動支銀兩就呈鎮巡衙門知
會差官領解軍前接濟一面備數呈來以憑查考不
許稽遲致悞軍機各該官員俱要奮勇協心乘機進
剿毋頓兵遙制以失機宜毋坐待狼兵以自懈弛務
須連營犄角以壯我軍之威更休逃出以蓄我軍之

多方以誤賊人之謀分攻以疲賊人之守掃蕩
穴靖安地方則東隅可收於桑榆大捷不計其小挫
事完之日通查功罪呈來以憑酌量參奏

案行領兵官搜剿餘賊

據福建左叅政陳策副使唐澤會案呈准漳南道叅
政艾洪僉事胡璉手本督據委官指揮徐麒等呈稱
督領軍兵粘踪追賊至象湖山賊寨連營拒守遵奉
本院密諭詳言擒衆退兵俟秋再舉密切部勒諸軍
乘懈奮擊云云除將擒斬功次審驗監候梟掛外呈
乞照詳等因到院卷查先准兵部咨前事已經備行

陽明集別錄 卷之八 十五
福建廣東二省漳南嶺東二道守巡兵備守備等官
欽遵調兵上緊相機剿撫并將進兵方略行仰各官
密切遵照施行敢有故違悉以軍法論處去後續據
福建布按二司守巡漳南道右叅政等官艾洪等呈
據委指揮高偉呈稱督同指揮等官覃桓等領兵尅
期夾攻不意大賊衆突出陷入深泥被傷身死廣東
官兵在彼坐視不行策救呈詳到院叅看得各官頗
兵日久老師費財致此敗衄顯是不奉節制故違方
略正行查勘叅提間隨據廣東按察司等衙門僉事
顧應祥等官會呈前事開稱約會福建官兵尅期

攻聞爪探福建官軍被大傘賊徒殺死指揮覃桓等
情各職隨即統兵策應當獲賊人一名密係賊首羅
聖欽執稱餘賊潛入箭灌巢內率領官兵直抵地名
白土村遇賊交戰斬獲賊級俘獲賊屬等因呈報前
來看得象湖箭灌最爲峻絕諸巢賊首悉遁其間賊
之精得盡聚於此自來兵力所不能攻今各官雖有
前挫隨能密遵方略奮勇協力竟破難克之寨以收
桑榆之功計其大捷足益小挫但象湖雖破而可塘
猶存賊首頗已就擒而餘猾尚多逃遁若不乘此機
會速行剿撲雜草存根恐復滋蔓狡兔入穴獲之益

難除將功次另行查奏外為此仰抄案回道查照先行方略乘此勝鋒急攻可塘破竹之勢不可復緩仍一面分兵搜斬餘猾毋令復聚為奸罪惡未稔可招納者還與招納毋縱貪功一槩屠戮務收一篲之功勿為九仞之棄本院即日自汀州起程前來各營督戰仍與各官備歷已破諸賊巢壘共議經久之策抄案

獎勵福建守巡漳南道廣東守巡嶺東道領

兵官

據福建叅政陳策文洪副使唐澤僉事胡璉都指揮僉事李胤廣東叅議張簡僉事顧應祥都指揮

各呈稱據委官知府通判等官鍾湘徐璣等率領軍兵夾攻象湖可塘箭灌大傘等處賊巢前後斬首賊詹師富羅宗旺等共計一千五百餘名類及俘獲賊屬牛馬器械等數到院看得象湖箭灌諸寨皆係極險最深賊巢自來官兵所不能下今各官乃能運謀設策協力夾攻旬月之間擒斬賊首掃蕩巢穴訓勇顯著功勞可嘉除將功次查奏外通合先行獎勵為此牌仰汀州府上杭縣即便動支商稅銀兩買辦綵段銀花羊酒委官分投領齋備用鼓樂迎送各官處用旌勤勞以明獎勵之典其餘領哨有功官

員知府鍾湘等就行該道照依定去賞格酌量輕重
徑自支給官錢買辦花紅等項一體賞勞仍具由回
報以憑查考

告諭新民

爾等各安生理父老教訓子弟頭目人等撫緝下人
俱要勤爾農業守爾門戶愛爾身命保爾室家孝順
爾父母撫養爾子孫無有為善而不蒙福無有為惡
而不受殃毋以衆暴寡毋以強凌弱爾等務興禮義
之習求為良善之民子弟群小中或有不遵教誨出
外生事為非者父老頭目即與執送官府明正典刑

一則彰明爾等為善云惡之誠一則剪除莠蕪免致
延蔓貽累爾等良善言今奉命巡撫是方惟欲爾
等小民安居樂業共享太平所恨才識短淺雖懷愛
民之心未有愛民之政以近因督征象湖可塘諸處賊
巢悉已擒斬掃蕩住卑於此當茲春耕甚欲親至爾
等所居鄉村面問疾苦又恐跟隨人衆或致勞擾爾
民特遣官耆諭告及以布疋頒賜父老頭目人等見
吾勤勤無恤之心餘人衆多不能遍及各宜體悉此
意

欽此

切責失機官員通行各屬

照得本院於本年六月十五日節該欽奉 敕近該
巡按福建監察御史程昌奏今年正月內被漳州南
靖地方流賊殺死領軍指揮覃桓縣丞紀鏞射死軍
人打手一十五名叅稱指揮高偉叅政陳策文洪副
使唐澤僉事胡璉都指揮李胤失機誤事俱各有罪
及彌爾賚茲重寄責亦難辭等因下兵部議謂前項
賊情自去年七月已 敕彼處撫巡等官相機撫剿
日久未見成功今反墮賊計喪師失事欲將高偉陳
策等姑免提問各令在俸戴罪殺賊并降 敕切責
令爾立效贖罪朕皆從之 敕至爾宜親詣潮漳二

府地方申嚴號令詳審機宜督同守巡領軍等官調
集官軍民快打手人役僭運糧餉指授方略隨賊向
往設法剿捕其福建廣東江西官員悉聽爾節制有
急督令互相策應約會夾攻不許自分彼此執拗誤
事如有不用命及遲誤供軍者且照原奉 敕內事
理徑自拏問施行事有應與兩廣并江西巡撫等官
議處者公同計議而行務要處置得宜賊徒殄滅以
靖地方欽此欽遵外照得本院於本年正月十六日
抵贛時 敕福建叅政陳策僉事胡璉等呈為急
報賊情事已經密具方略行各官遵照約會廣東官

兵剋期夾攻隨據各官呈稱指揮覃桓縣丞紀鏞在
寶東大奪地方遇賊突出抵戰身死又稱象湖可塘
等寨係極高絕險自來官兵所不能攻乞添調狼兵
俟秋再舉等因到院叅看各官頓兵不進致此敗衄
顯是不奉節制故違方略正宜協憤同奮因敗求勝
豈可輒自退阻倚調狼兵坐失機會本院即於當日
選兵二千自贛起程進屯汀州一面督令各官密照
方略火速進剿立功自贖一面查勘失事緣由另行
奏聞隨據各官續呈遵奉本院紙牌密諭詳言
精銳班師乘賊怠弛銜枚直搗攻破象湖等寨又據

令各官乘此勝鋒速攻可塘破竹之勢不可復緩
仍一面分兵搜擒餘猾毋令復聚為奸本院亦自汀
州進軍上杭期至賊寨親至督戰隨據各官復呈為
捷音事開稱攻破巢穴三十餘處擒斬首從賊人一
千四百二十餘名顆俘獲賊屬五百七十餘名口燒
燬房屋二千餘間奪獲牛馬賊仗無筭即今餘黨悉
願聽撫出給告示招撫得脅從賊人一千二百三十
五名家口二千八百二十八名口乞要班師等因已
經具本奏報去後今奉 敕諭切責不勝惶恐待罪
然猶幸其因人成事偶獲收功愧雖難當罪或可免

陽明集別錄 卷之六 二十一
隋又訪得各賊徒黨尚多逃遁諸巢餘孽又復萌芽
果爾則憂患方興罪累日重深思其故恐是各官急
於成功不能掃蕩或是憚於久役為此隱瞞本院聞
此實切慚懼即欲遵奉 敕諭事理親至漳州體勘
查處但今南贛盜賊猖獗方奉 欽依夾剿師期緊
迫軍馬錢糧必須調度勢難遠出又前項事情出於
傳聞未委虛的合行查勘為此仰抄捧回司照依備
奉 敕諭及查照先今察驗內事理即委本司公正
堂上官一員會同守巡該道官親詣漳州地方督同
知府等官將已破賊巢逐一查勘前項強賊曾否盡

餘 復賊首是否真正徒黨有無逃遁餘孽有無萌
芽是否各官苟且隱瞞惟復別賊各另生發若賊首
果已擒獲巢穴果已掃蕩是實取具各官不致遺患
重甘結狀具由呈來如或有所規避欺蔽俱要明白
擊說以憑參究施行若有脫漏殘黨或是別項流賊
乘間嘯聚尋出意外亦要從實開報就將防剿機宜
作急議處俾當相機行事一面呈來定奪無得畏難
避外以致貽忌地方 國典具有取罪愈大俱無違
錯遲延

兵符節制

五月

先博該道具呈計處武備以便經久事議將原選聽
調人役如寧却殺手廖仲器之屬盡行查出頂補各
縣差退讓兵通拘贛城操演以備征調已經批仰施
行去後看得習戰之方莫要於行伍治衆之法莫先
於分數所據各兵既集部曲行伍合先預定爲此仰
抄案回道照依定去分數將調集各兵每二十五人
編爲一伍伍有小甲五十人爲一隊隊有總甲二百
人爲一哨哨有長駙哨二人四百人爲一營營有官
有叅謀二人一千二百人爲一陣陣有偏將二千四
百人爲一軍軍有副將偏將無定員臨事而設小甲

私各伍之中選材力優者爲之總甲於小甲之中選
材力優者爲之哨長於千百戶義官之中選材識優
者爲之副將得以罰偏將偏將得以罰營官營官得
以罰哨長哨長得以罰總甲總甲得以罰小甲小甲
得以罰伍衆務使上下相維大小相承如身之使臂
臂之使指自然舉動齊一治衆如寡庶幾有制之兵
矣編選既定仍每伍人給一牌備列同伍二十伍人
姓名使之連絡習熟謂之伍符每隊各置兩牌編立
字號一付總甲一藏本院謂之隊符每哨各置兩牌
編立字號一付哨長一藏本院謂之哨符每營各置

兩牌編立字號一付營官一藏木院謂之營符凡遇
徑讓發符比號而行以防奸偽其諸緝養訓練之方
旗鼓進退之節皆要逐一講求務濟實用以收成績
事完備造花名手冊送院以憑查考發遣

預整操練

案照先經批仰將聽調入役查拘操演以備征調即
令兵威士氣已覺漸有可觀但各色人內尚有遺才
亦合通拘操演看得龍南等縣捕盜老人葉秀芳等
部下兵衆亦多經戰陣况各役向化日久皆有竭忠
報効之心但其勇力雖有而節制未諳向慕雖誠而

情意未洽一時調用亦恐兵遣將意將拂士情信謂
既未交孚心志豈能齊一為此仰抄案回道通將所
屬同化義民人等悉行查出照依先行定去分數行令
各選部下驍勇之士多者二三百人少者一百人或
五十人順從其便分定班次各役若無別故自行統
領或有故事相妨許令推選親屬為衆所服者代領
前來贛城皆於教場內操演除耕種之月放令歸農
其成農隙俱要輪班上操仍於教場起蓋營房使各
有棲息之地人給口糧使皆無供饋之勞効有功勤
者厚加福賞違犯約束者時與懲戒如此則號令素

言自然如身臂手指之便恩義素行自然與父兄子弟之愛居則有禮動則有威以是征誅將無不可矣

選募將領牌

得所屬地方盜賊充斥一應撫剿事宜各該兵備等官以地方責任勢難頻來面議若專以公文往來文牘事情不能該悉兼恐機宜多致瀉漏為此牌仰該處兵備道即於所屬軍衛有司官或義官者老選素有關略才堪將領熟知賊寨險夷備曉盜情向皆忠慎周密可相信任者一二人前來軍門凡遇地方機務即與密切商度往來計議庶幾事可周

外無疎虞

此留嶺北道楊璋給由呈

據副使楊璋呈給由事查得朝廷設官本因保障臣子盡職匪專給由副使楊璋才力精敏識見練達久在軍中習知戎務見今盜賊猖熾方爾請兵會剿一應軍馬錢糧督餉事宜有次第若因給由遽爾輕功更代之人豈免事多生疎之虞之際必至弊乘間乘隙有出神之真何益噬臍之悔仰本官勿以循例給由為急惟以初志盡職為先益展謀猷仍舊供職地方安靖是為三體國之勤懇績彰聞豈俟天曹

之者以行撫按衙門知會三繳

此廣東韶州府屬兵防守申

看其不院募兵士飲其益安民正恐地利不能齊
一者量其有未周政期各官到量潤色務求盡善可
久今要該府各縣所三非能弭盜而適以啓盜
非定不能安民而又以擾民此豈本院立法之初意
哉行仰各縣掌印官務體本院立法不得已之意各
更酌量事勢通融審處苟無不盡之心自無難處之
事兵法謂守則不足攻則有餘今各縣所留之兵止
不防守而兵備所選之士將以剿襲防守之兵雖老

弱皆可以備數而張威剿襲之士非精銳不可以摧
鋒而陷陣况各縣所留尚有三分之二而兵備所取
止得三分之一其於大勢不便虧損今取三分之一
而遂以為地方不復可守假使原數止此亦將別無
措置之方耶又况剿襲之兵既集則兵威日振聲東
擊西倏來忽往賊將瞻前顧後自然不敢輕出各縣
防守愈易為力此於事理亦皆明白易見各官類皆
徂於因循憚於振作惟知收私便之為利而不知妨
大計之為害宜各除去偏小之見共為公溥之謀若
復推調遲延夾攻在邇已經 奏有成命苟誤軍機

陽明全集別錄
卷之八
定以軍法從事

咨報湖廣巡撫右副都御史秦防賊奔竄
准巡撫湖廣都御史秦咨云云已經一體欽遵施行
績據江西嶺北道副使楊璋看得朱廣寨等處係
桂陽樂平二縣界內賊奔要路今夾攻在邇要行各
道預發精兵把截又經備行廣東湖廣各官起集驍
勇機快父子鄉兵選委素有能幹官員統領各於賊
行要路晝夜嚴加把截或遇前賊奔逃就便詳察險
易相機截捕或先於朱廣寨賊所潛逃諸山寨多
張疑兵使賊不敢奔往務要慮出萬全不得墮賊奸

計各道仍須分投爪探出奇設伏生事預防但得賊
中虛實差人飛報軍門大抵防寇水四面隄防既
固但有一處滲漏必致併力潰決賊所奔逃尚恐不
止前項諸處仍行各道再加詢訪但有罅隙即便行
文知會互相關防必使皆無蟻穴之漏庶可全收草
薶之功今准前因為照前項各職屢經夾攻狡猾有
素今聞大舉預將妻子搬寄此亦勢所必有照得咨
開龔福全李斌皆已搬送妻子逃往桶岡親識人家
除行嶺北道密行擒拏一面行湖廣各官將前項
窩戶姓名密切知會或住近桂陽或住近上猶就仰

各該把守官兵相機剿捕等語合咨報云云

欽奉 敕諭提督軍務新 命通行各屬

正德十二年九月十一日錄該欽奉 敕諭江西南

安贛州地方與福建汀漳二府廣東南韶潮惠四府及湖廣郴州桂陽縣壤地相接山嶺相連其間盜賊不時生發東追則西竄南捕則北奔蓋因地分各省事無統屬彼此推調難為處置先年以此之故嘗設有都御史一員巡撫前項地方就令督剿盜賊但責任不專類多因循苟且不能申明賞罰以勵人心致令盜賊滋多地方受禍今因爾所奏及該部覆奏事

理特以命爾提督軍務常在贛州或汀州住札仍理前各處撫安軍民修理城池禁革奸弊一庶軍馬錢糧事宜俱聽便宜區畫以足軍餉但有盜賊生發即便嚴督各該兵備守備守巡并各軍衛有司設法調兵剿殺不許踵襲舊弊務撫蒙敵重為民患其管領兵快人等官員不拘文武職若在軍前違期并逗遛退縮者俱聽以軍法從事生擒盜賊鞫問明白亦聽就行斬首示衆新獲賊首行令各該兵備守巡官即時紀驗明白備行二司按察司造冊奏繳查照南方剿殺蠻賊事例並責該勅仍要選委廉能官員密

切體訪或僉所在大戶亦以害之家及素有智力人
丁多方追襲量加糧賞以募知因之人陰爲鄉導或
購令賊徒自相斬捕或許令脅從并亡命窩主人等
自行出首免罪皆聽爾隨宜處置不必執定一說其
應捕人員尤要嚴加戒約不許妄拏平人及容賊挾
讐攀引因而嚇詐財物擾害良善軍衛有司官員中
政務修舉者量加獎勸其有貪殘畏縮誤事者文職
五品以下武職三品以下徑自拏問發落事有應與
各該鎮巡官計議者亦須計議而行爾爲風憲大臣
受茲新命尤宜廉能剛果肅清積弊以副 朝廷委

任之意如違責亦有所歸焉爾其欽承之毋忽故敕
欽此欽遵擬合通行爲此仰批捧回司照依案驗備
奉 敕諭內事理并行該道守巡兵備守備等官及
府衛等官及府衛州縣大小衙門一體欽遵施行都
司呈鎮守布政司呈巡撫按察司呈巡按衙門各查
照施行

咨報湖廣巡撫右副都御史秦夾攻事宜

往巡撫湖廣都御史秦 咨內開夾攻江西該分哨
道并把截之路及各該官軍不無追剿往來過境必
須各給旗號識別以防錯誤凡遇賊勢縱橫及攻堅

去處各領哨官即便發兵策應同舟共濟又稱各省
窩賊之家今既各有指實必須從長計處絕其禍本
以收全功煩為參酌行止并將合行事宜咨報以
憑轉行各該領兵等官遵守等因准此先該本院訪
得大庾南康上猶三縣近附賊巢良民村寨甚多往
年大征不曾分別善惡總與良民旗號及撥兵護守
以致狼土官兵貪功妄殺至石不分亦有一二良民
村寨給與旗號撥兵護守又被不才領兵官員并良
民寨主受賊重賄及將有名賊首隱藏其家事定仍
復還巢至今貽患及有吉安府龍泉萬安泰和三縣

并南安府所屬大庾等三縣無籍者往往携帶
妻女入輦為盜行劫則指引道路征剿則通報消息
尤為可惡即今聞有大兵夾攻俱各潛行回家遇有
盤詰輒稱被虜逃歸因而得脫誅戮若不通行揆究
將來事定仍復入巢地方之患何時可已就預行上
猶等三縣着落當該掌印官員查出附近賊巢居民
村寨通若畫圖申報以憑每寨給與良善旗號
臨期撥兵護守仍取名寨主并地方總申甘結在官
如有應剿賊徒來投希圖隱匿者許其擒斬送官照
例重賞容隱者事發一寨之人通行坐以奸細重罪

其大庾龍泉等六縣各給告示曉諭鄉村里老人等
但有平昔入輦爲盜即今潛出許其舉首亦行照例
給賞容隱事發本家并四鄰一體坐罪如此庶良善
免於玉石俱焚而盜賊得以根株悉拔俱經牌仰該
道遵照施行外又據委官知府等官季數等呈稱依
奉本院方略分兵於上猶南康等處防遏被賊兩次
糾衆出攻南安俱幸我兵克捷即今賊勢略已衰敗
若乘此機會直搗其巢旬月之間可期掃蕩云云本
院看得三省夾攻事宜集兵有先後期約有遲速如
上猶大庾之賊江西先與湖廣夾攻止令廣東之兵

于仁化把截候廣東兵力已齊聽湖廣廣東約會夾
攻江西之兵止于大庾把截通候廣東湖廣夾攻已
畢廣東之兵移于惠州江西之兵移于龍南又行約
會夾攻如此庶先後有序事機不失兵力不竭糧餉
可省又經移咨貴院查照施行外今准前因看得官
軍過境必須各給旗號識別以防錯誤攻堅去處必
須各領哨官即便發兵策應庶得成功持論既極公
平所處又甚詳悉除行領哨等官遵照施行外惟守
備指揮李璋所呈窩賊之家傳聞之言未必皆實已
行該道再行查訪務求的實拔絕禍源其進攻次第

惟桶岡一處該與湖廣之兵會合若長流坑左溪等處皆深入南安府所屬三縣腹心之內見今不次擁衆奔衝勢難止遏本院欲將前項賊巢以次相機剿撲候貴治之兵齊集會合夾攻桶岡如此則江西腹心之害已除而二省夾攻之舉得以併力從事擬合移咨前去煩爲查照定處咨報施行

征剿橫水桶岡分委統哨牌

據守把金坑等處領兵縣丞舒富等申稱探得各峯賊首聞知湖廣土兵將到集衆劫掠猖熾日甚鑿山開塹爲備益堅又聞於桶岡後山陡絕崖壁結構飛

梯自此直入范陽大山延袤千里自來人迹所不到今皆搬運糧穀設有機隘意在悉力拒戰戰而不勝即奔入此中截斷飛梯雖有千萬之衆亦無所施其力之憂急爲區區等因到院隨將各峯擒獲賊徒備細研審亦與所呈略同照得先經具題及備行兩省將各處賊巢以次夾剿先約湖廣官兵會攻上猶諸賊未報但南贛兵力自來衰弱爲賊所輕必資湖廣土兵然後行事賊見上兵來至必以爲夾攻尚遠今若出其不意奮兵合擊先以一哨急趨其後奪其隘口賊旣失勢殆可盡殲若必俟土兵之至果如

各官所呈陷賊計中老師費財復爲他日之患追悔
何及本院節准兵部咨題奉 欽依南贛地方賊情
着都御史王守仁自行量調官軍設法剿捕及近奉
敕諭云云俱聽以軍法從事欽此欽遵除監督守巡
官員行令分授先往_上循大庾等處調度催督外本
院身督中軍直搗橫水大巢所據各哨官兵合就分
委督發依期進剿

一御贛州府知府邢珣統領後開官兵自上猶人
坑遙由上稍石溪入磨刀坑過白封龍一面分兵搜
茶潭窰井杞州坑正兵經過朱坑早坑入楊梅村攻

白藍橫水與都司許清指揮謝昶姚璽知縣王五與
等兵會合共結為一大營及各選精銳用鄉導分引
齎乾糧三四日搜附近各山寨如茶潭窰井杞州坑
寨下等處多方爪探務期盡絕互相援應毋致疎虞
左溪諸賊既盡然後分哨起營過背烏坑穿牛角窰
踰梅伏坑過長流坑涉果水口搜芒背上思順過烏
地入上新地中新地下新地攻桶岡峒諸賊與知府
唐淳指揮余恩謝昶等兵合勢夾擊賊既敗散遂會
各營連絡犄角為一大營各選精銳開合縱橫分布
搜賊必使噍類無遺候有班師期日方許回兵領哨

陽明集卷之八
各官及兵快人等敢有臨陣退縮違犯號令者仰遵
照本院欽奉勅諭內事理聽以軍法從事本官務要
竭忠効命益展才猷嚴督諸軍奮勇前進蕩除群惡
以靖地方如或怠忽乖繆致有疎虞 國典具存罪
難輕貸本院即日進屯南康親臨督戰一應進止機
宜密切差人俱赴營所稟白牌候事完日繳

計開

安遠縣新軍官某某等名下打手

八百名乾字營哨長趙某某等名下機兵四百名
前手一隊銃手八名鄉導二十名火藥八十斤地圖
一張軍令八十張號色布一千五百件兵旗大小

十面令字藍綃大旗一面

寄兵搜執用為先導尋常皆捲過各營兵始開

令字黃綃大旗一面

正兵行動用為先導尋常皆捲過各營兵始開

軍令 失悞軍机者斬臨陣退縮者斬違犯號令者
斬經過宿歇去處敢有攪擾居民及取人一草一木
者斬割營起隊取火作食後時遲慢者照軍法治因
而悞事者斬安營住隊常如對敵不許私相往來及
輒去衣甲器仗違者照軍法治因而悞事者斬凡安
營訖非給有各隊信牌及非營門而輒出入者皆斬
守門人不告舉者同罪其出營樵牧汲水方便而擅
過營門外者杖一百軍中呼號奔走驚衆者斬雖遇

賊乘暗攻營將士輒呼動者斬軍中卒遇火起除奉
軍令救火人外敢有喧呼及擅離本隊者斬軍中守
夜巡夜之人每夜各有號色號色不應者即便收縛
軍中不許私議軍机及妄言禍福休咎惑亂衆心違
者皆斬凡入賊境哨探可往而畏難不往托故推調
及回報不實者斬軍行遇敵人來衝及有埋伏在傍
者不許輒動即便整隊向賊牢柅相机殺剿違者斬
軍行遇賊乞衆降恐有奸謀即要駐軍嚴備一面飛
稟中軍令其遠退自縛來投不許輒與相近遇有自
稱官吏及地方里老來迎接者亦不許輒與相近即

便駐軍嚴備一面飛稟中軍審實發落違者皆斬賊
使入營及來降之人將士敢與私語及問賊中事宜
几漏泄軍情者斬凡臨陣對敵一隊失全隊皆斬鄰
隊不救隣隊皆斬賊敗追奔不得太遠一聽號令聞
鼓方進聞金即止違者斬賊巢財物竝聽殺賊已畢
差官勘驗給賞敢有臨陣擅取者斬乘勝逐賊不許
爭取首級路有遺下金銀寶物不許低頭拾取違者
皆斬

一仰統兵官汀州府知府唐淳統領後開官兵前往
南安府自百步橋浮江合村等處進屯聶都會同把

陽明別錄 十四
隘推官徐文英將點集守把鄉夫於內選取堪為鄉
導者一百名分引哨路進襲上関破下関乃分兵為
三哨中一大踏踰相見嶺撲密溪徑攻左溪右一小
哨從下関分道搜絲茅壩復從中大哨於密溪進攻
左溪左一小哨自密溪搜羊牯腦山復自密溪從中
大哨進攻左溪三哨復合為一與本院會於橫水遂
會同守備知文知府李敷指揮余恩縣丞舒富等兵
五營犄角合為一大營乃各選精銳為鄉導分引齎
乾糧二三日四搜山寨多方爪探務期盡絕互相援
應毋致踈虞左溪諸賊既盡聽候本院再授方略然

後分哨起營復自密溪回關田推官徐文英仍於關
田厚集營陣以待奔竄遺賊勿輕散動本官自關田
率兵由古亭進屯上保復自上保歷茶坑由十八磊
依期進於木均攻桶岡諸賊與知府邢珣指揮余恩
等兵合勢夾擊賊既敗散遂會各營連絡犄角為一
大營各選精銳開合縱橫分布搜扒必使噍類無遺
候有班師之日方許回兵領哨各官及兵快人等敢
有臨陣退縮違犯號令者仰即遵照本院云云

計開

云云下同

一併南安府知府李敷統領後開官兵自南安府石

人背進破義安分兵搜朱雀坑入西峰分兵搜狐狸坑進鉛廠分兵搜李家坑屯穩下分兵搜李坑遂踰狗脚嶺搜陰木坑攻左溪與本院會於橫水遂與守備郊文知府邢珣唐淳指揮余恩縣丞舒富等兵合連為一大營乃各選精銳齎乾糧三日用鄉導分引四搜附近山寨多方爪探務期盡絕互相援應毋致踈虞左溪諸賊既盡然後分哨起營過密溪羊搜牯腦踰相見嶺歷上關下關關田經古亭分屯上保茶坑斷胡蘆洞等處賊路四面設伏以待桶岡奔賊為都指揮許清之繼探候緩急相機應援必使根株悉

拔噍類無遺候有班師期日方許回兵領兵各官及兵快人等敢有臨陣退縮違犯號令者仰即遵照本院云云

一仰江西都司都指揮僉事許清統領後開官兵自南康進破鷄湖撲新地襲楊梅坑攻白藍與本院會於橫水遂與知府邢珣等兵會合共結為一大營乃各選精銳用鄉導分引齎乾糧二三日四搜附近各山寨多方爪探務期盡絕互相援應毋致踈虞橫水諸賊既盡聽候本院再授方略然後分哨起營本橫水穿牛窩搜川均陰木潭會左溪入密溪過相見嶺

歷下關上關關田上華山過鱗潭屯左泉分斷西山
界胡蘆洞等賊路四面設伏以待桶岡奔賊仍歸屯
橫水控制諸巢遙與知府季敦相機應接必使根株
悉拔噍類無遺候有班師期日方許回兵領哨各官
及兵快人等敢有臨陣退縮違犯號令者仰即遵照
本院云云

一印守備南贛二府地方以都指揮體統行事指揮
使郊文統領後開官兵前往南安府自石人坑度湯
瓶嶺破義安上西峰過鉛礮破苦竹坑剿長河洞搜
狐狸坑攻左溪與本院會於橫水遂與知府唐淳季

學指揮余恩縣丞舒富等兵五營連絡為一大營
各選精銳用鄉導分引齎乾糧二三日四搜附近山
寨如天台菴獅子山絲茅壩等處多方爪探務期盡
絕互相接應毋致疎虞左溪附近諸賊既盡聽候本
院再授方略然後分哨起營自左溪過密溪分兵搜
絲茅壩會下關入關田過古亭踰上保搜茶坑屯於
十八磊分兵斷下章設伏以待桶岡奔賊為知府唐
淳之繼使人探候消息相應機接必使遠近各賊噍
類無遺候有班師期日方許回兵領兵各官及兵快
人等敢有臨陣退縮違犯號令者仰即遵照本院云

一仰贛州衛指揮余恩統領後開官兵自上猶官隘踰獨孤嶺至營前進金坑屯過步破長流坑分兵入梅伏坑破牛角窰撲川均陰水潭與正兵合攻左溪與本院會於橫水遂與縣丞舒富知府唐淳季敦守備郊文等兵連絡為一大營乃各選精銳齎乾糧二三日用鄉導分引四搜附近各山寨多方爪探務期盡絕互相援應毋致踈虞左溪諸賊既盡聽候本院再授方略然後分哨起營過密溪搜羊牯腦喻相見嶺歷下關上關關田經華山鱗潭網夾裏從左溪入

西山界攻桶岡諸賊與知府邢珣唐淳指揮謝昶等兵合勢夾擊賊既敗散遂會各營連絡犄角為一大營各選精銳開合縱橫分布搜扒必使噍類無遺候有班師期日方許回兵領兵各官及兵快人等敢有臨陣退縮違犯號令者仰即遵照本院云云

一仰寧都縣知縣王天與督同典史梁儀統領後開官兵自上猶官隘員坑過琴江口由白面寨至長潭經杰壩屯石玉分兵搜樟木坑正兵自黃泥坑過大灣入員分與本院會於橫水遂與知府邢珣都司許清等兵會合四營共結為一大營乃各選精銳用鄉

陽明全集卷之八
三十八
導分引齋乾糧二三日四搜附近各山寨多方爪探
務期盡絕互相援應毋致踈虞橫水等處諸賊既盡
聽候本院再授方略然後分哨起營過背烏坑牛角
窩梅伏坑涉長流渡果木口搜芒背上思順入烏地
經上新地中新地分屯下新地分兵搜扒斷絕要路
四面設伏以待誦岡奔賊爲知府邢珣之繼使人探
候緩急仍與縣丞舒富聲息相接應援必使噍類無
遺候有班師期日方許回兵領兵各官及兵快人等
敢有臨陣退縮違犯號令者仰即遵照本院云云
一仰南康縣縣丞舒富統領後開官兵自上猶營前

金坑進屯過步破長流坑徑攻左溪與本院會於橫
水遂與知府邢珣唐淳季敦守備郊文等兵合四營
共結爲一大營乃分選精銳齋乾糧用鄉導分引四
搜附近賊巢如鰲坑箬坑赤坑觀音山奄塲仙鶴頭
源陂左溪等處諸賊既盡聽候本院再授方略然後
分哨起營復自長流坑過果木口搜芒背搜鐵木里
狗上池遍搜東桃坑山源竹壩泉大王嶺板嶺諸巢
遂屯鎖匙龍外四面埋伏以待桶岡奔賊仍與知縣
王天與聲息相接彼此相機應援必使噍類無遺候
有班師期日方許回兵領兵各官及兵快人等敢有

臨陣退縮違犯號令者仰即遵照本院云云

一仰吉安府知府伍文定統領後開官兵前去屯劄
穩下會同守備知文併謀協力搜勦稽蕪等處賊巢
進屯橫水聽候本院再授方略然後進攻桶岡諸峒
本官仍須詳察地里險易相度機宜協和行事毋得
爾先我後力散勢分致失事機 國典具有存罪不輕
貸其領哨各官及兵快人等敢有臨陣退縮違犯號
令者許即以軍法從事軍中一應事宜亦聽隨宜應
變應呈報者仍呈軍門施行

一仰廣東潮州府在鄉縣知縣張戩統領部下新民

并手鄉夫人等搜勦稽蕪黃雀坳新地等處賊巢進
中橫水聽候本院再授方略然後進攻桶岡諸峒本
官仍須詳察云云

一仰中軍營叅隨官

案行分守嶺北道官兵戴罪剿賊

叅看稽蕪大山不係進兵隘路若使卿文季敦等遵
依本院方略直趨左溪與諸軍連營合勢兵威既振
然後分兵四剿則稽蕪等巢自然聞風而靡今乃不
遵約束頓兵僻路以攻險絕堅小之寇反致損威挫
銳非但有乖節制抑且違誤師期若使各哨官兵皆

若季敦等後期不進則左溪橫水賊巢根本腹心之地何由攻破諸軍何由得有今日之勝論情定罪俱合處以軍法但今各營皆已乘勝追逐賊徒四散奔潰正係緊關搜截之際姑令戴罪剝絕以贖前辜為此仰批案回道速督各官分投把截搜剿俱要勵志奮勇毋徒退縮以自全毋以小挫而自餒務奮澠池之翼以收桑榆之功如復仍前畏縮違誤軍令具有難再容恕仍將陣亡千戶劉彪及被傷兵夫人等查驗紀錄量加優恤

搜滅餘黨牌

照得本院於本月十二日親督諸軍進破橫水等巢諸軍皆奮勇敢死奪險陷陣賊乃大敗擒斬功次數多良已可嘉但聞餘黨往往復相嘯聚千百為群設柵阻險復為抗拒官兵之備所據各兵進攻之日攀崖緣壁下上險阻疲困已極兼之陰雨連日瘴霧咫尺不辯故且容令各兵暫爾休息今天氣漸開兵力已蘇若不乘此破竹之勢疾速急擊使諸賊聲勢復得連絡用力益難為此牌仰該道官吏嚴督各營官兵星夜疾進務在三日之內掃蕩餘孽必使噍類無遺敢有徂於一勝怠忽因循逗遛不進致誤軍機者

陽明集卷之六
四十一
仰即遵照 敕諭事理當時以軍法從事該道亦要
身督各官奮勇前進毋虧一簣務在萬全

獎勵湖廣統兵叅將史春牌

據副使楊璋呈稱遵奉本院牌案監督各營官兵照
依二省刻定日期於十一月初一日午時攻破桶岡
大峒賊徒皆已擒斬巢穴悉已掃蕩但湖廣官兵未
知恐仍復前來非但無賊可剿抑且徒勞遠涉乞將
湖廣官兵留屯彼地免其過境實為彼此兩便等因
到院看得桶岡天險先經夾剿圍困半年終不能下
乃今一鼓而破斯固諸將用命軍士効力實亦湖廣

兵威大振有以懾服其心故破巢之日不敢四散在
潰以克收茲全功訪得湖廣統兵叅將史春紀律嚴
明行陣肅整故能遠揚威武致茲克捷雖兵不接刃
而先聲以張相應差官獎勵為此牌差千戶高魯齋
領後開花紅禮物前去湖廣郴州親送本官營內傳
佈本院獎勵之意以彰本官不顯之功

設立茶寮隘所

照得撫屬上猶等縣所轄桶岡天險四面青壁萬仞
中盤二百餘里連峰參天深林絕谷不睹日月賊衆
屯據其間東出西沒遊劫殆遍人民遭其荼毒地方

受其擾害先年亦嘗用兵夾剿坐困數月不能俘其
一卒竟以招撫為名而罷近該本院奉命征剿仗
賴天威悉已掃蕩但恐官兵撤後四方流賊乘間
復聚必須於紫關去處設立隘所分撥軍兵委官防
禦度使地方得以永寧本院見屯茶寮親督知府邢
珣唐淳等徧歷各處險要相視得茶寮正當桶岡之
中自來盜賊據以為險西通桂東桂陽南連仁化樂
昌北接龍泉永新東入萬安興國堪以設隘保障當
因湖廣官兵未至各營屯兵坐候因以其暇責委千
戶孟俊等督領兵夫先行開填基址伐立柵起蓋

營房見今規模草創已具本院即欲移營上猶必須
委官督工度幾垂成之功不致廢弛及照茶寮既設
隘所就合摘撥官兵防禦查得皮袍洞隘兵原非緊
要合改移茶寮及於鄰近上保古亭赤水鮮潭金坑
編選隘夫兼同防守庶一勞永逸事可經久為此仰
抄案回道坐委能幹縣官一員前去茶寮督工完造
務要堅固永久不得因循遲延一面查照本院欽奉
敕諭隨宜處置事理即將原撥守把皮袍洞隘官兵
盡數移就茶寮住劄一面於上保赤水古亭鮮潭金
坑等寨量丁多寡每寨抽選精壯者一二百名兼同

防禦其合用匠作工食等項行令上猶南康大庾三
縣量支官錢給用完日其數及起撥官兵數目一併
回報查考仍呈撫鎮巡按衙門知會

牌行招撫官

正德十三年二月

據縣丞舒富稟稱橫水等處新民廖成廖滿廖斌等
前來投招隨又招出別山餘黨唐貴安等一百四十
二名口俱稱原係被脅無辜乞要安插照例糧差等
因到院照得橫水桶岡諸賊已經本院親調官兵將
賊首藍天鳳等悉已擒剿奏捷去後近准兵部咨奏
奉 敕旨橫水桶岡等處賊首謝志山藍天鳳蕭貴

摸等既已擒剿地方寧靖有功官兵俱陞一級不願
陞者照例給賞此後但有未盡餘黨務要曲加招撫
毋得再行剿戮有傷天地之和其橫水建立縣治俱
依所奏施行備咨准此除查照外看得新民廖
成等誠心投撫意已可嘉又能招出餘黨非但洗其
既往之罪亦當錄其圖新之功况今奉有 敕旨方
欲大普弘仁而廖成等投順適當其時相應量加陞
賞一以見 朝廷之寬仁一以勵將來之向化為此
牌仰縣丞舒富即將新民廖成授以領哨義官廖滿
廖斌等各與巡捕老人名自令其分統招出新民編

陳明公集別錄 卷之六 四十四
立牌甲聽候調遣殺賊更立新効以贖舊愆就於橫
水新建縣城內立屋居住分撥田土令其照例納糧
當差本官務加撫恤毋令失所有虧信義仍仰諭各
新民俱要洗心滌慮求為良善毋得聽信讐家恐嚇
妄生驚疑自取罪累及照見今農時已逼新民人等
牛具田種當未能備今特發去商稅銀一百兩就仰
本官置買耕牛田畝分給各民督令上緊趁時布種
其有見缺食用者亦與量給益米一應撫安緩來之
策有可施行俱仰本官悉心議處呈來

批留兵搜捕呈

看得樂昌等處賊徒構禍連年流毒三省今兵備愈
事王大用等乃能身歷險阻設謀調度數月之內致
此克平論厥功勞良可嘉尚除具本 奏報及一面
先行犒獎外所據各哨賊徒穴巢雖已底定而漏殄
難保必無兇聞湖兵撤後各該巢穴多復嘯聚河源
龍川諸處殘賊亦復招群集黨連結漸多逆其將來
必復熾盛今雖後久兵疲且宜班師息衆但留兵搜
捕亦不可苟毋謂斬木之不彙死灰之不然苟涓涓
之不塞將江河之莫禦其狼兵旣已罷散難復追留
若機快御兵之屬暫令歸休即可起集為輪番迭出

之計務使搜剿之兵若農夫之耘耨庶幾盜賊之種
如良莠之可除該道仍備行搜捕各官務體此意悉
按根苗無遺後患批呈繳

批將士爭功呈

據兵備僉事王大用呈樂昌縣知縣李增緝獲大賊
首李斌等審驗明白續據湖廣永州府推官王瑞之
呈稱廣東差人邀奪等情已拘知縣見在人役追出
原得獲李斌金簪銀兩荷包見在顯是湖廣兵快計
擒不得妄報掩飾看得邇者大征之舉湖廣實首其
謀江廣亦協其力既名夾攻事同一體湖兵有失是

亦廣兵之罪廣人有獲斯亦湖人之功况今賊首既
擒則湖廣領哨之官亦復何咎雖云因虞得鹿而廣
東計誘之人亦非無功但求共成厥事何必已專其
伐矧各呈詞亦無相遠就如湖廣各官所呈即廣人
乘機捕獲之功居然自見就如廣東各官所呈則湖
官運謀驅逐之勞亦自不掩獲級者匹夫之所能爭
功者君子之大耻仰該道備行湖廣守巡等官彼此
同心易氣各自據實造冊

告諭利頭集賊

正德十二年五月

本院巡撫是方專以弭盜安民為職蒞任之始即聞

陽明全集別錄 卷之八
四十六
爾等積年流劫鄉村殺害良善民之被害來告者月
無虛日本欲即調大兵剿除爾等隨往福建督征漳
寇意待回軍之日勦蕩巢穴後因漳寇既平紀驗斬
獲功次七千六百有餘審知當時倡惡之賊不過四
五十人黨惡之徒不過四千餘衆其餘多係一時被
脅不覺慘然興哀因念爾等巢穴之內亦豈無脅從
之人况聞爾等亦多大家子弟其間固有識達事勢
頗知義理者自吾至此未嘗遣一人撫諭爾等豈可
遽爾興師剪滅是亦近於不教而殺異日吾終有感
於心故今特遣人告諭爾等勿自謂兵力之強更有

兵力強者勿自謂巢穴之險更有巢穴險者今皆悉
已誅滅無存爾等豈不聞見夫人情之所共耻者莫
過於身被為盜賊之名人心之所共憤者莫甚於身
遭劫掠之苦今使有人罵爾等為盜爾必佛然而怒
爾等豈可心惡其名而身蹈其實又使有人焚爾室
廬劫爾財貨掠爾妻女爾必懷恨切骨寧死必報爾
等以是加人人其有不怨者乎人同此心爾寧獨不
知乃必欲為此其間想亦有不得已者或是為官府
所迫或是為大戶所侵一時錯起念頭誤入其中後
遂不敢出此等苦情亦甚可憫然亦皆由爾等悔悟

不切爾等當初去從賊時乃是生人尋死路尚且要去便去今欲改行從善乃是死人求生路乃反不敢何也若爾等肯如當初去從賊時拚死出來求要改行從善我官府豈有必要殺汝之理爾等又習惡毒忍於殺人心多猜疑豈知我上人之心無故殺一鷄犬尚且不忍况於人命關天若輕易殺之冥冥之中斷有還報殃禍及於子孫何苦而必欲爲此我每爲爾等思念及此輒至於終夜不能安寢亦無非欲爲爾等尋一生路惟是爾等冥頑不化然後不得已而興兵此則非我殺之乃天殺之也今謂我全無殺爾

之心亦是誑爾若謂我必欲殺爾又非吾之本心爾等今雖從惡其始同是朝廷赤子譬如一父母同生十子八人爲善二人背逆要害八人父母之心須除去二人然後八人得以安生均之爲子父母之心何故必欲偏殺二子不得已也吾於爾等亦正如此若此二子者一旦悔惡遷善號泣投誠爲父母者亦必哀憫而收之何者不忍殺其子者乃父母之本心也今得遂其本心何喜何幸如之吾於爾等亦正如此聞爾等辛苦爲賊所得苦亦不多其間尚有衣食不充者何不以爾爲賊之勤苦精力而用之於耕農

陽明全集卷之六
一四十一
運之於商賈可以坐致既富而安享逸樂放心縱意
游觀城市之中優游田野之內豈如今日擔驚受怕
出則畏官避讐入則防誅懼剿潛形遁迹憂苦終身
卒之身滅家破妻子戮辱亦有何好爾等好自思量
若能聽吾言改行從善吾即視爾為良民撫爾如赤
子更不追咎爾等既往之罪如葉芳梅南春王受謝
鉞輩吾今只與良民一槩看待爾等豈不聞知爾等
若習性已成難更改動亦由爾等任意為之吾南調
兩廣之狼達西調湖湘之士兵親率大軍圍爾巢穴
一年不盡至於兩年兩年不盡至於三年爾之財力

有限吾之兵糧無窮縱爾等皆為有翼之虎諒亦不
能逃於天地之外嗚呼吾豈好殺爾等哉爾等苦
欲害吾良民使吾民寒無衣饑無食居無廬耕無牛
父母死亡妻子離散吾欲使吾民避爾則田業被爾
等所侵奪已無可避之地欲使吾民賄爾則家資為
爾等所擄掠已無可賄之財就使爾等今為我謀亦
必須盡殺爾等而後可吾今特遣人撫諭爾等賜爾
等牛酒銀錢布疋與爾妻子其餘人多不能遍及各
與曉諭一道爾等好自為謀吾言已無不盡吾心已
無不盡如此而爾等不聽非我負爾乃爾負我我則

陽明集卷之八
可以無憾矣。嗚呼！民吾同胞，爾等皆吾赤子，吾終不能撫恤爾等。而至於殺爾，痛哉！痛哉！與言至此，不覺淚下。

進勦涇賊方略

照得撫屬龍川縣地名涇頭，積年老賊池大鬚等不戢，糾衆突出河源，翁源、安遠、龍南、信豐等處攻打。城池殺擄人口，先年亦嘗征勦，皆因預失防禦，以致漏網。後雖陽為聽招，其實陰圖不軌。班師未幾，肆出劫掠。數年以來，民受荼毒，控告紛紜，有不堪言。若不趁時計剿，地方何以寧謐。為此仰批案回道會同分

備等官即行該府知府陳祥速將合用糧餉等項，一面從長議處。一面即於所屬選集精壯驍勇，曾練戰陣機快兵壯人等三千名，少或二千名，各備鋒利器械，編成隊伍，坐委素能謀勇官員統領。一面密行龍川、河源等附近賊巢等縣，亦各選募慣戰殺賊兵快二千名，委官分押督同近巢知因被害義官新民頭目人等分截要路，就仰知府陳祥總督諸軍親至賊巢去處，指畫方略，趁期進剿。仍行先取知因鄉導數十人，令其備將賊巢道路險易，畫圖貼說，要見某處平坦，人馬可以直塢某處險阻，可以把截某處係

賊必遁之路可以設伏邀擊某處賊所不備可以間道撲掩各要一一詳察停當務盡機宜具由連圖差人馬上齎報以憑差官齎執令旗令牌剋期併力進攻必使根株悉拔噍類無遺以靖地方

剋期進剿牌

正德十三年正月

案照涇頭老賊池大鬚等不時糾眾攻打城池殺擄人口屢征屢叛近年以來陰圖不軌惡焰益熾除將賊首池仲容設計擒獲外其餘在巢賊黨若不趁機速剿不無禍變愈大地方何由安息本院已先密切分布哨道行仰知府陳祥統領典史姚思衡驛丞

表巡檢張行報劾生員陳經世新民盧琢等官軍從和平入攻熱水巢五花障巢鐵石障巢直搗中涇大巢知府邢珣統領知縣王天與典史梁儀并老人葉秀芳黃啓濟義官吳明等官兵從大平入攻芳竹湖巢白沙巢黃田物巢中村巢直搗上涇大巢指揮姚璽統領新民梅南春等兵從烏虎鎮入攻淡方巢石門山巢直搗岑岡大巢指揮余恩統領百長王受黃金巢等兵從龍子嶺入攻溪尾巢塘涵洞巢古地巢空背巢直搗下涇大巢千戶孟俊統領義官陳英鄭志高新民盧琢等官兵從和平入攻平地水巢大門

陽明全集卷之八
五十一
山巢黃狗坳巢直搗中利大巢推官危壽統領義民
葉芳百長孫洪舜等官兵從南步入攻脫頭石巢鎮
里寨巢羊角山巢直搗中利大巢知府季敦兵從信
豐縣黃田岡入攻新田逕巢古地巢縣丞舒富兵從
信豐縣烏逕入攻旗嶺巢頓岡巢及行仰守備指揮
郊文監督指揮姚璽余恩千戶孟俊等三哨官兵分
路進剿本院亦自行督領帳下隨征官屬兵快人等
從冷水逕直搗下利大巢親自督戰刻期俱於本年
正月初七日寅時四路並進外牌仰兵備副使楊璋
不妨本道事務遵照本院欽奉 敕諭事理前去軍

前紀驗功次處置糧餉及行催督各哨官兵依期
剿所獲功次務要審驗明白從實紀錄仍候巡按紀
功御史至日覆實照例造冊奏繳及造青冊一本送
院查考其軍中一應進止機宜俱仰密切呈來定奪

批汀州知府唐淳乞休申

據知府唐淳申稱患病乞賜放歸看得知府唐淳沉
勇多智精敏有為兼之持守能謹制事以勤近因本
院調委領兵征剿南安諸賊效勞備至斬獲居多雖
克捷之奏已舉而賞功之典未頒况汀州所屬多係
新民投招未久反側無常正賴本官威懷輯撫以為

保障縱有微疾不便起居即其才能豈妨卧治仰該
府卽行本官不妨養疾照舊管事安心職務善求藥
餌務竭委身之忠勿動乞休之念申繳

告諭

告諭百姓風俗不美亂所由興今民窮苦已甚而又
競為淫侈豈不重自困乏夫民習染既久亦難一旦
盡變吾姑就其易改者漸次誨爾吾民居喪不得用
鼓樂為佛事竭貲分帛費財於無用之地而儉於其
親之身投之水火亦獨何心病者宜求醫藥不得聽
信邪術專事巫禱嫁娶之家豐儉稱貲不得計論聘

凡此會不得大會賓客酒食連朝親戚隨時相問惟
貴誠心實禮不得徒飾虛文為追節等名目奢糜相
尚街市村坊不得迎神賽會百千成羣凡此皆糜費
無益有不率教者十家牌鄰互相糾察容隱不舉正
者十家均罪爾民之中豈無忠信循禮之人願一齊
衆楚寡不勝衆不知遺棄禮法之可耻而惟慮市井
小人之非笑此亦豈獨爾民之罪有司者教導之不
明與有責焉至於孝親敬長守身奉法講信脩睦息
訟罷爭之類已嘗屢有告示懇切開諭爾民其聽吾
誨爾益敦毋怠

仰南安贛州府印行告諭牌

照得有司之政風俗為首習俗侈靡亂是用生本院近因地方多盜民遭荼毒驅馳兵革朝夕不遑所謂救死不贍奚暇責民以禮義哉今幸盜賊稍平民困漸息一應移風易俗之事雖亦未能盡舉姑先就其淺近易行者開導訓誨為此牌仰本府官吏即將發去告諭照式翻刊多用紙張印發所屬各縣查照十家牌甲每家給與一通其鄉村山落亦照屯堡里甲分散務遵依告諭互相戒勉共興恭儉之風以成淳厚之俗該府仍行各縣於城郭鄉村推選素行端方

人所信服者幾人不時巡行曉諭各要以禮儆興良善以勵末俗毋得違錯

禁約推商官吏

照得商人比諸農夫固為逐末然其終歲棄離家室辛苦道途以營什一之利良亦可憫但因南贛軍資無所措備未免加賦於民不得已而為此本亦寬恤貧民之意奈何奉行官吏不能防禁姦弊以致牙行橋子之屬騷擾客商求以寬民反以困商商獨非吾民乎除另行訪拏禁約外仰抄案回道即便備行收稅官吏今後商稅遵照奉行事例抽收不許多取

陽明全集別錄 卷之八
五十四
毫釐其餘雜貨俱照舊例三分抽一若資本微細柴炭雞鴨之類一槩免抽橋子人等止許關口把守開放不得擅登商船假以查盤為名侵凌騷擾違者許赴軍門口告照依軍法拏問其客商人等亦要從實開報不得聽信哄誘隱匿規避囚小失大事發照例問罪客貨入官及照船稅一事亦被總甲侵擾今後官府合行船隻俱要實價給額就行抽分嚴查給票帖以防詐偽該道仍將應抽免抽逐一查議則例呈來

批贛州府賑濟石城縣申

看得所申賑濟既該府議許中戶糴買下戶給散如所議施行今出糴之數止及一千而坐濟之民不知幾許附郭者得遂先獲之圖遠鄉者必有不霑之惠近日贛縣發倉其弊可見仰行知縣林順會同先委縣丞曹仁先選該縣放實忠信可托者十數輩不拘生員耆老義民各給斗斛候遠鄉之民一至即便分曹給散仍選公直廉明之人数輩在傍糾察如有侵緣頂冒即時擒拏照議罰治庶幾小民得蒙救急之惠而遠鄉可免久候之難

議處河源餘賊

陽明集別錄 卷之六 五十五
看得河源等處賊情本院屢經批仰該道會同守巡
等官從長計議相機剿捕今復據呈看得賊勢漸盛
民患日深該道既以兵力勞憊勢未能克即須會同
守巡守備等官或親至賊巢或於附近賊巢處所屯
劄選擇知因通賊曉事人役齋執告示榜文權且撫
諭各賊委曲開譬或姑賜以牛酒銀布耕具種子之
類令其收衆入巢趁時耕作因使吾民亦得甦免防
截之役及時盡力農畝一面選兵勵士密切分布哨
道候收歛已畢各巢亦積有糧米然後的探虛實尅
期並舉出其不趨掩其不備是乃籍兵於民因糧於

賊非獨可以稍紓日前之急亦因得以永除日後
患矣今若兵力不足既未能剿又不從權撫插任其
出沒往來則非惟民不安生窮困愈甚抑且賊亦失
其農業衣食不給者非擄掠何以爲生是所謂益重
吾民之苦而愈長羣賊之奸兵糧日耗後欲圖之功
愈難矣仰該道會同守巡守備等官上緊議處施行
回報毋得徒事往復致釀後艱其各該官司兵快人
等不論或撫或剿俱要時時操練整束密切隄備不
得縱弛致有疎虞

告諭父老子弟

正德十四年二月

頃者頑卒倡亂震驚遠邇父老子弟甚憂苦騷動彼
冥頑無知逆天叛倫自求誅戮究言思之實足憫悼
然亦豈獨此冥頑之罪有司者撫養之有缺訓迪之
無方均有責焉雖然父老之所以倡率飭勵於平日
無乃亦有所未至歟今倡亂渠魁皆就擒滅脅從無
辜悉已寬貸地方雖已寧復然創今圖後父老所以
教約其子弟者自此不可以不預故今特為保甲之
法以相警戒聯屬父老其率子弟慎行之務和爾鄰
里齊爾姻族德義相勸過失相規敦禮讓之風成淳
厚之俗本院奉 命撫巡茲土屬有哀疚未遑旬閱

來聞父老疾苦廉有司之不職究民之利弊而
之故先遣諭父老子弟使各知悉方春父老善相保
愛督子弟及時農作毋惰

行龍川縣撫諭新民

先據推官危壽并龍川縣各甲依奉本院鈞牌將新
民盧源陳秀堅謝鳳勝等安插和平及撥田地耕種
并拘仇家當面開釋各安生理毋相構害緣由近訪
得各民因聞廣東征剿從化等賊自生疑惑東逃西
竄致令和平居民因而驚擾似此互相扇惑地方何
時寧靖本當拏究為首之人綁赴軍門斬首示衆但

念各民意亦無他姑且記罪曉諭爲此牌仰龍川縣
掌印官即將投城居民諭以前項聽撫新民俱已改
惡從善止因廣東調兵征剿居民素懷仇隙者因而
假此恐嚇致令東奔西竄各民意在避兵本非叛招
出劫爾等毋得妄生驚疑及差人拘集新民盧珂陳
秀堅等論以廣東官兵征剿各有界限爾等緣何輕
信恐嚇妄自驚竄俱各省令回原村寨安居樂業趁
此春和各務農作仍諭盧源陳秀堅謝鳳勝等各要
嚴求手下甲衆各念死中得生之幸悔罪畏法保爾
首領如或面從心異外托驚懼之名內懷反覆之計


自求誅戮悔後何及

優獎致仕縣丞龍韜牌

訪得瀆縣致仕縣丞龍韜平素居官清謹迨其老年
歸休遂致貧乏不能自存薄俗愚鄙反相譏笑夫貪
汙者乘肥衣輕揚揚自以爲得志而愚民競相歌羨
清謹之士至無以爲生鄉黨鄰里不知以爲周恤又
從而笑之風俗薄惡如此有司者豈獨不能辭其責
孟子云使饑餓於我土地吾耻之是亦有司者之耻
也爲此牌仰贛州府官吏即便措置無礙官銀十兩
米二石羊酒一付掌印官親送本官家內以見本院

陽明先生集卷之八
一五式
優恤獎待之意仍仰贛縣官吏歲時常加存問量資
柴米毋令困乏嗚呼養老周貧王政首務况清謹之
士既貧且老有司坐視而不顧其可乎遠近父老子
弟仍各曉諭務洗貪鄙之俗共敦廉讓之風具依准
并措送過繳牌

河東重刻陽明先生別錄卷之八





46072

